

武夷山志

一之七


漢書門	5
類	3
號	6
函	0
架	1
冊	2
三	冊

漢書	3
類	6
號	0
冊	1
架	2
九	函
元	冊

地理 十六号

內閣文庫	
番號	漢 2360
冊數	3 ( 1 )
函號	292 96

292-96



袁穉生先生編定

# 武夷山志

秀振堂藏板

每部定價陸錢

翻刻于

里必治

## 題詞

天下名山多矣至若地匪丹丘神

仙於焉瘞骨鎮殊維嶽帝王從

此褒封儒起上天之思隱屏晚對

僊奏人間之曲竇存宵陳種之瑰

奇昭然聞見則惟武夷一山宜其



引戶  
治列洞天竒冠海內也略舉往蹟  
大約玄宮紫庭神鏤鬼削瓊樓  
鏤鏤雷激風驅自籤鏗二子皇太  
姥及魏王子騫十三人始絳節珠  
幢香嚴十地多龍玉簡氣激四  
天自漢唐以來諸君始沆瀣如烟

漿流瑤井芝華若善丹出瑤田自  
控鶴仙人劉少君許旌陽白瓊棺  
諸羽真始蛟映鳥銜雲屋天構鸞  
迴帟逸夜嘯濤來自朱公元晦蔡  
公季通真公西山諸先生始其他幻  
蹟幽討冥搜膽掉神懼斯又更僕

不能殫狀者矣歲戊寅余持斧之餘  
暢目登覽立百尺閣於萬丈白雲中  
與接筍塔峰相對磨蒼劖碧讀  
未見題咏甚多至於蛇文鬼篆蟬  
蛻尸解雲滂泉崩莫能逼視昔  
人以譙雲運不見龍湫雁蕩為恨

余及見武夷欲艸興以一賦醉而頌  
凡泓灑慙負諾夷者五年而餘茲  
者幸徼

簡

命再蒞并州遠秉生武夷山志初成  
寒帷而請予一言余惟昔之登山者  
至煤火為信繼書而哭豈不各稱好

事然三日心膺皆為山雲所奪久矣  
 何暇縱覽諸勝今暢亭高峰險踰  
 太華而世季車捫天之階幾與虹  
 橋同斷讀衮生此志可以不榜而  
 游不梯而登不筇杖不芒屨而造此  
 名山一段勝事亦余前後一段勝緣

也寧直如宗少文鼓琴動操令  
 衆山皆嚮乎哉遂題而歸之  
 崇禎癸未獻歲之明日

雲間張肯堂題於崇安公署



武夷山志序

蓋聞天玄設象運日月以璇衡地  
道網維布山川而列政混沌既已  
開闢融結更擅瑰竒震旦洞天三  
十有六而吾閩則占其二崇安之  
武夷山古以籤鏗二子得名號曰

昇真玄化第十六洞天真人劉少  
公治之巖巒峭聳突起地中溪澗  
滌洄蟠旋坤軸泉甘土肥風物秀  
美地靈人傑神仙所居秦時設宴  
曾孫駕長虹而成橋路漢代奉祠  
遣使薦乾魚而築壇壝唐宋屢降

勅書

熙朝曾頒大藏洞裏投金龍玉簡  
殿中列寶軸琅函珠闕玲瓏琪樹  
璀璨九芝含秀百卉競芬園香粟  
粒之芽源落桃花之片水合流而  
奏韻山移步以換形玄鶴守洞府

序  
之門金雞報仙都之曉真身委蛻  
布滿雲根機杼舟航亂架巖隙氣  
引廣漠風和不周寶劍昔試於石  
稜鐵遂遙聞於天表寔四維之靈  
區八紘之聖境也然皇太姥魏子  
騫與夫十三真君聚集於一毛之

孔而三千儒術荒蕪於獨角之端  
乃出紫陽夫子結廬高隱道重河  
汾鼓櫂清歌聲侔金石又有海瓊  
仙人菴名止止妙契玄玄皆能補  
滌儒林發揮仙窟海岳為之增輝  
煙霞繇其動色惟是游人達士登



陟罔憚其勞墨客詞豪題咏難枚  
而舉宋初里人劉樞密夔魯著山  
志首闡休風後雖繼述未臻厥美  
茲衷君穉生毓產是邦慨然泚筆  
咨詢耆宿蒐採舊聞會千古之精  
華收累朝之月露青山蘊玉發羣

岫以耀光綠水懷珠起萬川之晶  
影歷經寒暑爰輯斯篇既就簡以  
刪繁復增新而證古爍寤寐茲山  
誅茅思隱往來勝處策竹攀躋逸  
典快觀蕪言僭弁愧涉藻江而素  
淺渡文海而弗深仲舒五色之蛟

序  
稀來筆底子雲三清之鷄不到豪  
端本乏黃絹劣婦之才徒增彩幔  
仙翁之辱

崇禎歲在辛巳中秋之望

三山徐燊書于沖祐宮之楮

隱堂



武夷山志序

古者職方氏掌天下之圖國史  
達四方之志披圖攷志會土周  
知斯固博物之宏觀通人之遐  
覽矣于稽其類亦巡方藩守之  
業也建州西鄙山曰武夷寔維

序

南裔之奧區有宋諸公寤言棲  
息登高諧諷賁厥仙丘歷禊彌  
季日新月茂穆駿逝其長鶩騫  
楂渺爾窮源玄度優于濟勝靈  
運紛而去履竝探漉湯託寄遙  
浚余以是秋建節茲土爽致朝

來紫晨東啓攬芳悅穆靡假臥  
遊按部清暇爰資神往衷子穉  
生乃賚輯志見訪余取而甲乙  
之爲卷十有九其略十有一綱  
修目舉遠正近賅詎非縣圃瑤  
篇山經軼簡爲之攷名勝曰懿

哉丹巘碧漪陰飈搖日皇之輿  
 圖女寶翰之洵炎方之雄峻也  
 為之考雲構曰懿哉望衡對宇  
 商歌遏霄哲人萎矣作室攸存  
 其大文之淵藪乎金鏤玉版蒼  
 蘚綠牒淚漬峴山思興華屋不

無今昔之愾則題刻之遺也若  
 乃姑射之神果符天際之想子  
 長之足類多方外之游則仙真  
 遊寓未可槩為悠謬矣至于物  
 產綜食貨之贖存疑踵夏五之  
 文祀典侈封禪之頌揆藻肆執

苑之英悉皆原本山川極命艸  
木而餘韻嗣訂則又弘獎風流  
增益勝槩者矣昔易著十翼書  
備七觀詩昭四始春秋明五例  
均取刮磨情性疏通風義時能  
垂休終古章憲來茲未有標旨


罔聞謬承述作者也是故茲山  
一也或恣志幽尋或遂初肥遯  
或唵嘯以抒懷或沉默以寡尚  
人雖異致山景依然余獨進斷  
斯作方駕史才嗣徽經術用知  
崧高之什非僅竒麗之觀禹甸

之篇匪第畋游之樂云爾

洪肯

崇禎癸未春王正月嘗熟孫朝

讓題於富沙公署



武夷山誌題韻

大樟鬱律鳴蟬子日射枯塘

倒霞紫堦前蘭葉青不翻思

渥龍皮貯涼水梅亭裏子丰

骨珊遺我一帙武夷山秋風

颯颯樹頭雨署裏寒聽白晝

存

潺建州名碩多騏鼻如子博  
雅一二數交臂盡托賢豪間  
家近幔亭巖下住開門見山  
翠流日芒鞋拄上頭石  
絲木髮恣搜討編而次之薙  
其蘇出袖風烟千疊綺松濤

謾、襍禁几長康縮地胡足  
云少室林巒咫尺耳蟪余俗吏  
同井蛙春前驅車來富沙屐掛  
空堂齒俱折名山百里慳孤艇  
一手展開晴不定無數青峰落  
三徑携歸置向拂水旁呼雨共

躡丹梯勝



是向新水

名

一石

古

茶題



黃東崖先生書

南入關望峰頭紫氣討當

遇異人讀黑雲壑城之詠

即欲不束帶見李長吉得乎



抵里後酬應紛如魚以

國難驚心愁無聊賴前諾洞天

弁言幾忽々忘之承諭乃

自媿負山靈甚也憶同時李

若常華亦有詩易二解見示久

滯篋中稍俟深秋涼爽當勃

發勇猛精進心償此宿逋適

貴邑令若信到即以雄文宿

望狀詳佈之併李君同此寄  
聲佳策佳卷領存敬謝 瑤  
章附拙詠五冊求政惟教之  
通家友生黃景昉再拜

徐錫餘先生書

弟未至德里便知有  
穉生仁兄理窟詞壇爭鳴者多  
孰如 仁兄澤於道耶弟測管  
未能此念怒如其渴未嘗不在  
筠房左右 仁兄亦竟惠然細

展諸琅函令人畏愛不已愛者  
近今畏者式古高天急峽古木  
蒼藤上有群僊下有吾輩仁  
兄落、洵異哉武夷舊志未見  
所見者仁和柴令君訂本也其  
意主揚厲人物正為此山水開

生面但所收詩文太雜批句蠹  
人因而闌入大為太姥十三真  
耻姍尊選分十卷良確其揆  
藻一則最宜簡嚴若嗣訂之旨  
想為後人地然狗人辱山是弟  
所大惧也興公先生今之作

者願與細商為洞天寫炤大  
教猛然立言誠匪誣也鉛山旅  
夜暫此復謝容構成小引即同  
拙詩馳正如何嗣候良書當  
在孫甌寧郵便勿差過也舍  
親李伯可次君仲木近又登

賢書矣附聞不一

十月十五日開禧頓首

羅需孚先生書

方其一出則有之作者可廢  
 後之遊者可借此為指南  
 即有志未遠者亦可以遊  
 而足憾矣快甚、門下學  
 留材為行的朋翼矣經傳

羅需孚

此猶其母中一箇了無取附  
 其語以共千秋但好是海山  
 未能即就定矣亦遂其可來  
 可也錄而請多不一

志儒於了

武夷山志目錄

圖

總序

卷之一

名勝

- |    |      |       |      |
|----|------|-------|------|
| 一曲 | 凡二十條 | 二曲    | 凡二十條 |
| 三曲 | 凡十一條 | 四曲    | 凡十三條 |
| 五曲 | 凡十七條 | 六曲    | 凡九條  |
| 七曲 | 凡六條  | 八曲    | 凡十四條 |
| 九曲 | 凡九條  | 九曲折而南 | 凡三條  |

九曲折而北 凡二十二條

卷之二

雲構

一曲 凡十九條

二曲 凡四條

三曲 凡二條

四曲 凡十條

五曲 凡十五條

六曲 凡十二條

七曲 凡一條

八曲 凡五條

九曲 凡六條

九曲山南 凡四條

九曲山北 凡九條

卷之三

題刻

統計凡二十四條 虹橋板附

卷之四

僊真 凡二十七條

彭祖 皇大姥 劉少公

控鶴僊人 魏王子騫 許碓

婁師鍾 薛邴 李鐵笛

李陶真 張草衣 孔氏

鄒道人

吳懷玉

王通

徐熙春

張垓

徐頊

郭道人

知微子

白真人

陳冲素

吳公公

丘公

黃樸

金志陽

王廣

羽流

凡九條釋子附

李良佐

江師隆

彭日隆

張與玉

林文能

張克真

程斯道

王與敬

江成真

僧慧明

卷之五

存疑

凡十一條

楊萬大

楊文公

劉夢鼎

草寇毛興

黃咸中

彭澹軒

石堂寺

劉夔侍郎

游三蓬

田父遇僊

楊翊

卷之六

物產

統計二十一條



茶 蘭 黃精 僊茆

何首烏 茯苓 石菖蒲 葛

山藥 山查 巖松 芝

鹿葱 毛竹 方竹 白鷗

鷓鴣 鷓鴣 猿 猴 梔

卷之七

游寓 統計凡四十八條

顧野王 張嶠 劉夔

詹野先 游酢 趙抃

胡安國 胡憲 胡寅

胡宏 朱熹 劉子翬

劉勉之 劉衡 徐幾

袁長吉 蔡元定 蔡淵

楊時 蔡沉 蔡沆

真德秀 祝穆 劉南

游九言 方士繇 劉燾

江贊 熊禾 詹師文

熊蕃 詹景仁 鄭德普

趙若樞

杜本

杜圻

藍誠

丘錫

劉清夫

鄒守益

羅洪先

王守仁

宗臣

傅汝舟

丘雲霄

吳宗周

黃大年

李枋

葛寅亮

張肯堂

孫朝讓

卷之八

祀典

統計九七條

南唐寶大九年御帖

宋元符元年封武夷君誥命

宋嘉熙元年授送金龍玉簡制章

嘉熙二年加封十三真君誥命

嘉熙二年祝文

端平元年封潘侯誥命

國朝祀典

卷之九

揆藻

五言古詩

共計七十六首

病中追賦游武夷

宋劉子翬

游武夷以相期拾瑤草分韻武得瑤字

宋朱熹 二首

武夷精舍

仁智堂

隱求堂

宋袁

樞

共九首

觀善齋

寒棲館

晚對亭

鐵笛亭

釣磯

茶竈

漁艇

中秋同諸子九曲砭月

宋虞億

仙竄巖

宋李仲光

大王峯

昇真洞

宋劉說道

共八首

靈巖

大隱屏

伏羲洞

更衣石

昇真觀

會真廟

天柱峯

大隱屏

宋蔡

沉

五首

大隱屏

宋蔡

沆

紀游

宋朱大卿

架壑船

宋劉邊

送退齋熊禾歸武夷

宋蜀翁

咏隱屏精舍

宋熊禾

武夷

宋謝章 三首

題武夷

元曹休齋

武夷紀游

元陳觀

入武夷霽色可喜

元黃子肅

游武夷

元解之昂

謁萬年宮

元陳顯曾

宿萬年宮

明季炳茂

謁武夷宮

林祖恕

謁九峰書院

鄭善夫 二首

謁文公書院 二首

玉女峰

劉守道

泛九曲

吳國倫 四首

玉女峰

耿定向

游武夷

蔡汝楠 二首

夜宿天游觀

屠隆

登接筍峰

曹學佺

望接筍

山當庵

吳棫

二首

雲窩避暑

小桃源訪劉道人

雨後從山當庵投三仰峰宿

杜轄巖遇鄉人程道士石上小酌

水簾洞

接筍峰

沈野

一線天中有劉伯溫遺米

周之夔

小桃源

九曲

林弘衍

二首

水簾洞

張于壘

二首

換骨巖

水簾洞用洗少汾韻

王漸逵

月宿天游觀

鍾惺

二首

水簾洞

武夷道中感懷

曹惟才

武夷有感示黃象九

丘四可

望武夷

劉基

溪行晚眺

鄭東白

武夷山

張堯政

卷之十

七言古詩 統計三十三首

武夷行

宋趙抃

游武夷

宋楊時

寄味晦翁

宋袁樞

武夷謾題

宋朱熹 二首

答袁樞

宋蔡沈

寄朱晦翁

題丹樞先生草廬

宋白玉蟾

武夷

宋方士繇

武夷歌

宋王埜

武夷歌

元僧斯文

咏武夷

元周草庭

泛舟九曲還憇萬年宮

元鄧生

游武夷

明龔一清

大王峰觀仙斲

陳鳴鶴

泛舟九曲放歌

康彥登

武夷行

蘇鉅

游武夷

武夷山歌

長歌行

武夷泛舟次國學朱士望韻

藍誠二首

題清江碧幃集追懷清碧先生

贈武夷魏士達

藍智三首

爲丁知事賦平林精舍

題程芳遠所得方方壺寫大王峯圖

百花庄

王應槐

大王峰觀仙斲

徐燝

大王峰觀仙斲

曹學佺

同諸子泛舟九曲

丘雲霄

新安方無遷遇予武夷期爲九曲之游以雨

返復作歌訂之

丘四可

五芝歌

茶仙

張仙巖

張子壘

答裴穉生貽武夷圖歌

張堯政

重游武夷

王彥度

卷之十一

五言律 統計六十二首

武夷精舍

宋朱熹

問明仲游武夷日

宋劉子翬

游武夷

宋楊億

武夷

宋林希逸

武夷

宋趙時栗

萬年宮

宋翁合

謁朱夫子祠

宋林天瑞 二首

武夷

會真觀

元薩天錫

五曲

元徐和

謁武夷宮

元劉侃 二首

峽口圓望幔亭諸峰

登玉女峰

明高孝忠

一線天

張時徹

水簾洞

何其漁

武夷山居

藍智 二首



陷石堂

天壺

武夷

接筍峰

游武夷

小桃源

宿接筍懷汪劉二高士

三入武夷紀游

陷石堂

楊仕宗

章袞 二首

薛濬

勞堪

閔齡 二首

史繼偕

徐燾

小桃源

陳介夫

馬頭岩石室懷張鍊師

謝肇漸 二首

社轄岩

馬頭岩題吳子禎道士丹房岩瘞其本師張

凝庵鮑

徐燾

雲窩贈陳司馬

曹學佺 五首

水簾洞

春景游武夷

游武夷山

錢行道 三首

過溪至萬年宮歷舟上天游

鍾惺

五首

雲窩

仰接筍峰未得上

宿虎嘯岩

重泛武夷遂窮九曲之勝

張于壘

三首

七曲百花庄六曲城高岩四曲更衣臺宿焉

游事將終歸抵萬年宮小酌

丙夜再泛九曲

衷宗周

五首

崇邑郊外望武夷

曹惟才

三首

石鼓村渡溪入武夷

以武夷紀游諸作寄裘穉生

活水洞觀董司空記

徐廷壽

陪卓真初老師天游觀宴集

暨慶

新霽入武夷

蘇茂相

獨善堂

熊之璋

二首

謁純陽祠有懷葛屺瞻老師

雪後舟泊武夷

藍誠

待月天游閣

徐時泰

碌金岩訪千丘老

張龜魚

卷之十二

七言律

統計一百七十八首

武夷紀游

宋陳襄

幔亭峰

宋李綱

武夷紀游

宋楊時

游武夷山

宋劉子翬

四首

同詹明誠傅茂元游晞真館有詩用次其韵  
致中招原仲游武夷却寄

致中相拉游武夷有六耳不同謀之語原仲

和童意似未平也因次原韵

武夷紀游

宋葉夢鼎

武夷紀游

宋林 嶮

冲佑觀卽事

宋白玉蟾

天游峰

宋劉 邊

幔亭

宋黃希旦

接笋峰

宋丘攀桂

游武夷

宋葉 采

謁隱屏書院

宋熊禾 二首

味隱屏精舍

止止庵

宋詹琰夫

舟泛九曲

元徐仲達

萬年宮望幔亭

元馬臯

蒼屏巖

元林方

南山書院

元范心遠

登仙巖

元沙子中 二首

再入武夷

元范師孔

隱屏精舍

元陳達叟

天游觀

元蘇秉鈞

武夷留題

元劉公孫

題武夷

元楊堯善

一線天

元李公璧

武夷春泛

元余善同

武夷山

元薩天錫

題武夷

元杜本

再宿天游觀

元楊士輝

城皐岩小酌

元常允恭

武夷

元胡一中

武夷紀游

元車東

城皐雙梢竹

元謝宗可

贈杜清碧

元范德機

憶武夷

元孟惟誠

大隱屏

明張大倫

游武夷

徐中行 四首

碧霄洞

何元述

送顧山人游武夷

汪道昆

武夷道中寄山中道友

藍誠 十首

武夷答鍾僉憲 二首

寄余復嬰鍊師居玉蟾丹室

同袁景升游武夷

幔亭峰

過杜清碧宅

寄武夷張郭二真人

賡張宗翰舟過武夷述懷 二首

擬登武夷昇真洞不果

藍智 四首

次雲松訪復嬰宿萬年宮韻

平林精舍同劉彥炳賦

過杜清碧故宅

謁文公書院

羅倫

宿冲佑觀

陸景

九溪漁父

江騰輝 三首

懷僧病雲

劉道人曲水

言游武夷道中撫景因憶往年尚賓呂公天

台之約

徐渭

重游武夷

周宣

九曲晴泛

江山 二首

尋武夷舊游

天游觀

張時徹

武夷

柯潛

九曲泛舟

閩人詮

萬年宮讌集聞警遽別

王杼

武夷秋泛

萬虞愷

萬年宮題壁

張謙

武夷謾詠

林萬潮

雨泛九曲忽霽欣然成韻

黃懋官

武夷謾興

金應龍

水簾洞

黃庭

游武夷

王守仁

謁止止庵白真人祠

汪麗陽

天游觀

傅汝舟 五首

鐘模石

文公書院

杜清碧故宅

登仙巖

五曲書院

丘雲霄

過武夷未入

謝廷霖

一水精舍

陳省

接筭峯

屠隆 十四首

三姑石

攬石峰

北斗峰

大藏峯

昇日峯

車錢峯

上仙峯

隱屏峯

晚對峯

天壺峯

天游峯

凌霄峰

魏王宮

雨中游武夷

二首

葉向高

三首

游雲窩懷陳司馬

游武夷

三首

曹學佺

五首

陷石堂

天遊觀

武夷舟泛

聶大年

初入武夷

徐燾

六首

萬年宮

二首

接筍峰

天游觀

鼓子峯

泛舟至六曲上天游

商梅



仙船巖

卓有見

雨中登武夷因感舊遊

謝肇淛

雨憇萬年宮次謝在杭韻

徐勳

憇虎嘯岩

再宿萬年宮

萬年宮

陳祖苞

武夷四律

王士昌

四首

游武夷

李吳滋

萬年宮

曹惟才

三首

九曲泛溪

萬年宮答衆穉生以謬草見貽

玉皇閣

畢懋康

登鉄板嶂吳若容山房

張于壘

三首

虎嘯巖

徐興公欲卜居武夷詩以贈之

萬年宮題壁有懷

王繼臯

游武夷

何喬遠

謁紫陽書院次呂少叅韻

陳見龍

晚眺天游觀用吕公韻

史孔吉

玉女峰

水佳胤

武夷紀游

胡維霖

秋日陪直指張公游武夷

錢震瀧

架壑船

孫朝讓

仲春游武夷

柯元芳

初入武夷 二首

張堯政 四首

再入武夷 二首

崇安公署懷武夷 二首

邵文彪

武夷 二首

馬豹蔚

重游武夷

李廷芳

寓天游

張魚魚

萬年宮

李 韡 二首

五曲書院

當庵

王世濬

謁萬年宮

鄭元節

武夷卽事

彭維氏

洪源書堂

熊之璋 二首

文成祠乃葛岷瞻先生建邑人遂奉先生合

祀之

初入武夷

王翰

小桃源

陸鏊

小桃源

梁煥

友人過訪山中詩以送之

周千秋 二首

山中謾題

武夷

倪人瑞

偕友讀書四曲卽事

虞瑜

武夷舟泛

程道乾

夜宿天游觀

衷秋月

武夷紀游

王湘

信宿紫陽書院

吳端

宿萬年宮

趙士春

登大王峰張仙洞

劉同升

武夷道中賦贈李去華

錢繼登

天游觀

周之興

遊武夷

徐遠

卷之十三

五言絕句 統計三十一首

仙鶴巖 二首

宋朱熹 十四首

仁智堂

隱求堂

止宿寮

觀善齋

寒栖館

石門塢

鐵遂亭

釣磯

茶竈

漁艇

清虛堂 二首

棘隱庵

宋白玉蟾

靈岩一線天

張清子

晚對亭

宋儀望

仙掌峰

七曲

劉侃

出山游武夷

三首

明董應舉

仙鶴巖

丘雲霄

武夷紀游

五首

張于壘

六言絕句

勞堪

武夷雜咏

三首

山中謾興

楚和叔

卷之十四

七言絕句

統計

題武夷

唐李商隱

題畫

宋李綱 八首

入武夷

二首

大王峰

大小廩石

三姑石

玉女峰

虎嘯巖

樵歌十首

宋朱熹

擢歌十首

宋白玉蟾

和文公擢歌十首

劉信

和文公棹歌十首

明江以達

和文公擢歌十首

明黃仲昭

擢歌九首

明傅崇中

九曲襟咏 十首

宋白玉蟾

一曲昇真洞

二曲玉女峯

三曲仙機巖

四曲金鷄岩

五曲鐵遠亭

六曲仙掌峰

七曲石堂寺

八曲鼓樓巖

九曲星村市

武夷有感十首

春

夏

秋

冬

曉

暮

行

住

坐

卧

題武夷五首

咏武夷

山中感興

釣魚臺

天游觀

棘隱堂

毛竹洞

喊山臺

玉女峰

接笋峰

宋陸放翁

宋辛棄疾

宋翁彥約

二首

宋蔣易

宋游九言

宋陳君從

宋周載

宋林錫翁

小桃源

元唐仲寔

天桂峰

元陳元英 二首

天游觀

游武夷

宋裴守中

小藏峰

元鄭主忠

泛舟

元俞嘉賓

武夷

元丁希賢

幔亭峯

明黃廷羨

一曲權歌

林 命

伏羲洞

蘇伯厚 五首

玉女峰

幔亭峰

登舟入曲

舟泛謾興

七曲

蕭顯

陷石堂

陳賓

鐵板嶂

陳選

大王峰

羅倫



游武夷

鄭綱

幔亭峰

吳中立

游武夷

劉堯誨

幔亭峯

陳繼邦

玉女峯

何其漁

玉女峯

徐燧

架壑船

徐燧

玉女峯

徐燧

換骨巖

徐燧

金鷄洞

宿水簾洞

訪和叔羽士不遇

武夷訪周羽士

翠屏峯

天壺峰

仙掌峰

小桃源

幔亭峰

二首

徐延壽

彭天祐

二首

李朱明

錢行道

二首

接笋峰

費元樣

小九曲

鍾惺

仙掌峯

梁煥

九曲泛舟

沈仕 二首

馬月巖

武夷

莊一俊

歷鼓巖巖之活水洞

張于壘

留別雲窩 二首

吳萬全

小桃源

詹復

題武夷圖

沈周

石溪阻水

藍智

仙羊巖

丘從道

尋一線天行渴得岩姬乞茗

徐渭 二首

天游觀

金玉贊 二首

小桃源

步朱夫子權歌九首

馬豹蔚

酬袁穉生以新志見貽二首

徐遠

卷之十五

詩餘 統計十首

水調歌頭

宋覃懷高

水調歌頭

宋羅慶

水調歌頭

宋唐仲寔

臨江仙 二首

宋何守謙

金縷衣

宋鄭黻

沁園春

元章凱

蝶戀花

明丘四可

賦 計二篇

幔亭雨舟賦 并序

明吳國琦

武夷山賦

明李朱明

卷之十六

銘 計三篇

冲佑觀銘

南唐張紹

冲佑觀銘

宋吳棫

武夷書院銘

元宋德潤

疏 計二篇

重修三清殿疏

宋劉子翬

重建武夷書院疏

宋熊禾

記 統計二十三首

武夷精舍記

宋韓無咎

武夷精舍記

宋朱熹

止止庵記

宋白玉蟾 四首

橘隱堂記

雲窩記

棘隱堂記

昇真觀記

宋熊禾 二篇

朱文公書院記

武夷山記

宋祝穆

懷友軒記

元杜本

清微太和宮記

元虞集

重修武夷書院記

明丘錫

重修武夷書院記

王遂

九峰書院記

費宏

三友堂記

耿定力

養恬庵記

吳申立

研易臺記

陳省

謝洞記

董應舉

純陽祠記

葛寅亮

二篇

王文成公祠記

洪源書堂記

許天錫

武夷游記

江瓘

武夷記

吳棫

卷之十七

繇記

統計十四首

游武夷山記

謝肇淛

游武夷山記

凡四則

徐燿

萬年宮至茶洞

由接筍峯至小桃源

繇天游觀至鼓子峯

繇水簾洞至大王峯

游形獅巖記

袁宗周

游武夷山記

鍾惺

游武夷山記

汪桂

武夷游記

張于壘

葛屺瞻先生生祠記

柴世埏

武夷精舍記

胡廷宴

游武夷山記

張維機

送熊退齋歸武夷序

元史葯房

卷之十八


餘韻 計六首

冲佑宮題壁

蕭廩

武夷禱記

吳棫



爲名白玉蟾引奏列仙傳以爲錢鏐與二子曰武曰  
夷隱居斯山豈鴻漸所指神人者卽鏐之子而君長  
於斯者乎朱考亭謂皆詭妄不經不足考信然今仙  
船有七四在大王峰一在兜鍪峰二在小藏峰又有  
虹橋板散插諸峰皆懸崖峻壁之處亡論人力不能  
致卽此脆薄之木千年之後不壞於風雨之飄零向  
非神仙靈蹟安得若是卽如考亭所擬以爲往古避  
世之士生爲衆所臣服沒而傳以爲仙故漢武帝祠  
以乾魚歷代帝王載於祀典亦云奇矣是山周圍一



百二十餘里皆穹石峭壁錫峙聯屬其奇偉瑰異殆若鬼斧神工峰則三十有六巖亦如之至於洞壑泉石遊屐所不能及者不可數計而溪之水由西注東蜿蜒九曲繚貫於三十六峰之中山色渥丹水光澄碧高低掩映絢爛如綺鍊形咽氣之士皆以是山為神仙窟宅選勝憩泊庶幾遇之琳宇丹房依巖架壑飛符禮斗鐘磬相聞及考亭先生幽栖五曲一時鴻儒髦士接踵從遊於是武夷之名遂與泰華恒嵩並高宇內豈獨奇於海表茲美于閩中已哉

武夷山志卷之一

東魯衷仲孺訂修

名勝編

武夷以奇勝名寓內說者謂詭幻百出人工毋論即鬼工為之政亦未易幽人韻士徃徃獨窮其奧然或康樂之屐殊域為躡志餘之舫夙因未副不免索圖經以當臥遊耳于是

作名勝編

一曲 凡二十條

一曲之溪左有大王峯峰之上則有昇真洞張僊巖  
投龍洞天鑑池禮斗壇徐僊巖僊鶴巖禪巖登僊  
石大王之北有幔亭峯幔亭之陰有換骨巖白雲  
溪處排峯巖三姑石北斗峯道者巖大王之東有  
靈雲洞大王之西有僊羊石溪右有獅子巖大小  
觀音峰兜鍪峰赤霞嶺溪水之濱有虎鼻石鯉魚  
石水光石僊猿石鐵板嶂儒巾石

大王峰在溪之東北高數千仞矗立雲表儼若一  
柱故又名天柱舊記謂魏王子騫與張湛等十二  
人隱於此峰之石室故其峰以大王爲名其東石  
壁之上衍然一室是爲昇真洞廣數丈深倍之中  
有雷文龕壩五皆盛僊人蛻骨其一置石窖窖口  
狹束不可出洞前有黃心木縱橫爲棧險而不墜  
又有圓木剝成四船相覆半枕於洞船中盛函二  
十餘函中各盛僊蛻又有一穴橫插雙木爲橋橋  
之西壁別開一罅中藏香爐藥甕數事洞下直裂  
一隙徑逾尋許旁有鼎爐從昇真洞口折西稍北  
有梯倚壁梯窮登岬有巖廣數丈深丈許漢人張

垓坐解於內真身跌踞石上首微右顧舊傳張臨化時其母呼之因而回首右顧巖西壁開一隙直上數十仞可騰踔而升隙窮而橫一穴出穴稍東有石門繇門入而登絕頂頂甚夷曠多產檜松栢竹芝艸之屬天啟甲子墾者掘得銅鼎綠色奇文竟不知其何代物也宋建昇真觀觀前爲通天臺又名禮斗壇傍有天鑑池巖窪生成四時不竭可炤星斗池右有投龍洞洞門狹小而直下垂縷百餘丈方及泉宋自乾興初終宋之世多遣使降香

投金龍玉簡於洞中繇昇真洞之左捫巖凌險而至徐僊巖巖扉向東宋徐熙春蛻化於此真身踞石而坐萬曆間鄉民以禱雨移之於會真廟後遂不復歸峰之西壁崖石皴裂紋如繪鶴者爲僊鶴巖巖之西昔有禪僧冲舉於此是爲禪巖又名望鶴臺臺下爲登僊石

幔亭峰一名鐵佛嶂在大王峰北本相聯屬其高稍亞若階級頂復平曠舊記云秦始皇二年魏王子騫與皇太姥武夷君設幔亭綵屋宴鄉人於其

武夷山志  
上故名而平曠處名宴僊壇峰之左有石盤陀方  
廣數十丈者爲漢祀壇漢武帝以乾魚祀武夷君  
卽此壇也

換骨巖在幔亭峰北巖半石室方廣六七丈可容  
百餘人室內有泉七孔甘冽不竭繇巖下石罅斜  
攀至室外乃有黃心木爲橋以達室道書云學僊  
者當爲天台注名武夷換骨今巖中猶有僊蛻九  
函廬山僊人羅公嘗受寶印玄文於此  
白雲庄一名白雲溪處在換骨巖側四面俱峻壁

入石門半里許忽平曠有丹井石臺道院遺址

排峰巖一名靈龕在換骨巖左輪囷如龕

三姑石在幔亭峰後三石差肩而立

北斗峯在三姑之後七峯聯絡狀如北斗

道者巖在三姑石左二石離立狀類寒山拾得

靈雲洞在大王峯之東與峰相對洞有上下幽邃

莫測其中石盆石硯皆天然生成卽孔葉莊三女

僊煉丹之處

僊羊石在大王峰西大小六七成羣

獅子巖一云獅子峰在溪南蹲踞昂首狀如獅子  
大小觀音峯一云觀音巖在獅子巖西二峰對峙  
巔微戴土草木蓊鬱藤蘿垂蔓狀若觀音寶冠纓  
絡因以爲名

兜鍪峰一名兜擔石一名賭頰石其勢前高後下  
形如兜鍪西壁有穴內藏一舟舳艫俱完又名閣  
船巖

赤霞嶺在獅子峰七八里其上有洞曰赤霞洞最  
先見日之出

虎鼻石在溪水之濱兩竅仰吸形如虎鼻

鯉魚石在水中如遊鯉躍波

水光石一名晴川石在水之濱倒影溪中與澄波  
相輝映

僊猿石在水光石後靜夜月明猿每嘯於其上

鐵板嶂俗名掛榜巖在大王峯右溪水之濱石色  
蒼黑剗削如板長數十丈而高稱之

儒巾石在鐵板嶂下半在水中狀若儒巾

二曲 凡二十條

二曲之右有玉女峰妝鏡臺勒馬巖凌霄峰三才峰  
虎嘯巖倉廩山靄巖飛鳥臺舞雪臺鼓角巖五老  
巖小巖峰僊館巖溪水之濱有翰墨巖題詩石印  
石僊別石

玉女峰在二曲溪右三石差肩而立其色紅潤有  
姝麗之態背有二泉穴冬夏不涸

粧鏡臺在玉女峰前石面相向

勒馬峰卽粧鏡臺之頂其石廻轉

凌霄峰在勒馬巖右石高而銳

三才峰在玉女峰側峰巒鼎列中峰尤高而聳上  
有飛泉石門之勝

虎嘯巖在玉女峰後其傍有歛袖峰太平巖太極  
巖馬枕巖

攬石峰在虎嘯之南兩石攬結高聳從巖隙中累  
石疊梯而上絕頂寬平

倉廩山在虎嘯巖西相傳陳有定聚糧屯兵於此  
至今山石上猶有煨燼殘穀在經風雨不腐又有  
偃月刀一口挿巖縫間可見而不可得墾山者常

掘得銅劍刀戟之屬

霧巖在倉廩山西去虎嘯巖約四五里穹崖峭削壁立千仞其下鈺鈺嵌空因爲广室棲諸神像曰靈巖庵有三洞俱可容數十人其一尤深廣風從中出晝夜不絕亦名風洞洞口爲觀音閣葛僊館洞內兩崖相倚長數百丈中分一線不合仰見天光名一線天其下有生成石穴溜滴汪汪瑩如青玉名勝水井繇一線天右有窄徑僅容一人側足而上可至絕頂頂上平曠約數里許其中有僊浴

池自生魚蝦相傳陳有定立寨其上天兵攻之絕其汲道有定從山椒示以生魚今山下時有遺鏃折戟爲耕夫所拾巖南兩峰竝立圍整如臺稍西有石爲關隘

飛鳥臺在一線天頂

舞雪臺在一線天左

鼓角巖與風洞對立

五老巖在風洞前五山拱立如老叟之形

小藏峰在玉女峰西半巖斷缺處插木度板望之

如櫛舊記云昔控鶴僊人語魏王子騫輩曰公等  
八百年後可藏蛻於此今有黃心木函藏十三僊  
蛻骨其中

僊館巖一名僊學堂在小藏峯上巖壁廻環中有  
石室几案布列其間

僊船巖卽小藏峰之峭壁半巖間一穴內有二小  
船架於橫木之上千年不壞

翰墨巖在溪北鐵板嶂西崖石隱起狀若墨鋌下  
有二孔如人目俗呼回子獻墨巖

題詩石在玉女峰下水涯昔人有題在上

印石在玉女峰下水中

僊冠石在玉女峰下水中

三曲 凡十一條

三曲溪之左有會僊巖昇日峰金井澗車錢巖上昇  
峰溪之右有大藏峰僊船巖僊機巖芙蓉洞溪水  
濱有三盃石水樂石

會僊巖在鐵板嶂西其石方平可坐數十人

昇日峰在僊巖側晨旭初昇炤映爍燿其下有金



光石

金井澗在昇日峰陰澗邊多隱者之居

車錢巖在昇日峰側舊記云聖姥常鞭牛載錢至此  
此上有白玉蟾丹爐

上昇峰在昇日峰右其色青紫又名紫峰相傳張  
真君於此上昇

大藏峰在溪南其勢峻拔峭壁千仞下際清淵壁  
間有數室皆橫插板木望之如棧相傳以爲虹橋  
板飛插于此室中有器圓者如筥方者如筥又有

如杵者如盤者又石罅中有小艇盛僊蛻數函鄉  
民遇旱以竹繩繫籃人坐其中數人從巖絞車輻  
輻下繩又使人伺於溪北候籃至罅邊擊鼓則止  
輻輻籃中人以鐵鈎鈎入罅中請出僊蛻溪北鳴  
鼓復返輻輻而下蛻至醮壇禱雨立至禱畢其蛻  
自返故處他日復取爲孕婦所厭今雖靈驗不復  
飛上矣

僊船巖在大藏峰側卽小藏峰之背半壁有二船  
架於橫木歷劫不壞

僊機巖亦小巖峰之背峭壁之半衍開一洞內有雜木曲直縱橫相傳以爲僊人機杼

芙蓉洞在昇日峰南內有漱玉泉曜金池

三盃石在溪水之中平如砥可坐數人

水樂石在三盃石側水石衝激作金石管絃之韻

四曲

凡十三條

四曲溪之右有鷄窠巖金鷄洞宴僊巖李僊巖御茶園喊山臺通僊井雲巖溪左有僊釣臺希真巖溪水之濱有試劍石小九曲釣磯拜章臺臥龍潭

鷄窠巖卽大巖巖背半壁有穴外隘中宏木篠縱橫堆積如鷄棲建安記曰鷄巖隔澗西與武夷相對半巖有鷄窠四枚峭不可登傳有羣鷄約數百飛翔其上雄者類鷓鴣坤元錄云武夷澗東一巖上有鷄棲卽此是也金鷄洞在鷄窠巖下從舟中仰視若不甚深廣萬曆間羽士程玄應自巖懸轆轤入其中則有楠木無數皆長三丈徑尺餘上閣僊蛻十三函每函或頭顱一二片脛骨一二莖手足一二節裹以錦帕一函中有鶴骨頭與足各一

又有楠木剝一舟長丈餘濶三四尺細羅香末并香灰幾滿洞中香灰成堆者纍纍然上洞視下洞其口尤小人不感到有張富郎者年八十餘冒險入其中則見數人鼾睡香灰內傍有銅磬覆地富郎翻而視之磬下一鷄驚起展翼扇灰撲目即倉皇俯伏半晌稍息亟內籃縋下半空籃掀富郎墜入舟子懷中竟亦無恙年九十而終應玄曾見富郎乃得其詳而陳司馬爲應玄記其實  
宴僊巖在鷄窠巖頂嘗有僊鶴鳴於上

李僊巖一名燈窩巖上有石龕相傳李僊坐化於此山勢峻絕無路可登

御茶園在李僊巖下

喊山臺在御茶園中元暗都刺建臺高五尺方一丈八尺有亭曰喊泉亭有井曰通天井泉極甘冽宋元時每驚蟄日有司率所屬致祭命衆茶戶鳴金擊鼓同喊曰茶發芽則泉水漸滿造茶畢水遂涸真人張邈過至此飲其水曰非茶之美乃此水之力也

通僊井一名龍井一名喊泉一名呼來泉

雲巖在李僊巖後巖半有石室可容百人昔爲巨蟒所據詹法師驅之因剏雲巖庵於巖下

僊釣臺在溪北與大藏峰相對懸崖深穴俗呼爲真武洞外狹內寬中有僊蛻數函又有磁甕若酒壘者數枚形精緻異于今器

希真巖在拜章臺側

試劍石在溪北水濱昔控鶴僊人試劍於此石分爲二中間可通小舟盤廻旋繞號爲小九曲

釣磯近在試劍石半溪中可坐以垂釣旁有石如魚籬故名

拜章臺卽釣磯別名以其上平坦方正又有石如香爐渾然天成也

臥龍潭在金鷄洞下深不可測中有巨魚藏其中相傳許旌陽斬蛟欲盡殺九子其幼者願皈正道旌陽許之命護此山人見者多不利云

五曲 凡十七條

五曲溪之左有大隱屏伏羲洞羅漢巖黑洞接笋峰

鐵象巖雲窩撞冠石昇真洞茶洞清隱巖玉華峰  
溪之右有晚對峰天柱峰更衣臺溪水之濱有茶  
竈石平林渡

大隱屏與釣臺相連一峰峭拔夷上直下方正如  
屏兩麓陂陀環抱其下爲朱文公書院其上有玄  
元道院石室石臼猶存

伏羲洞在隱屏後一名先天洞廣數丈有石列如  
畫卦

羅漢巖在伏羲洞左頂禿骨露下有石室故名

黑洞一名回回洞在伏羲洞外其上坦平卽鐵笛  
亭故址

接笋峰在隱屏北與隱屏兩峰相連其西南有一  
石附屏狀若立笋高數十丈倚梯十丈梯盡右折  
鑿石爲徑僅容趾名曰鷄胸穿崖環以鐵纜登者  
捫纜側行石徑斷處復橫木爲棧至頂則兩壁洞  
裂一磴孤懸下俯百丈名曰龍脊上甚平坦有道  
院亭館泉池園圃

鐵象巖在接笋下偃伏如象前有雲窩道院

雲窩在接笋峰下後倚隱屏宋陳丹樞煉丹故址  
長樂陳司馬省築別業於此

撞冠石在接笋峰下狀若道冠旁有棘隱庵遺址  
昇真洞在雲窩東舊刻昇真洞三字內有石曰石  
竈

茶洞在接笋峰側洞門甚隘內境夷曠四週皆穹  
崖壁立土人種茶視他處爲最盛

清隱巖在茶洞內四環絕壁石逕可以攀躋  
玉華峰在隱屏北白石羅列玉光燦然

晚對峰與大隱屏隔溪相對舊名紫石屏又名小  
隱屏後以晦翁作亭其上故改今名

天柱峰在晚對峰右峭拔特立相傳魏王子騫於  
此上昇然子騫顱骨尚存豈上昇者非子騫或非  
子騫顱骨耶峰後與靈巖相屬

更衣臺在天柱峰下平正如几俗云魏王子騫於  
此更衣以登天柱者也

茶竈石在溪水之中天成巒窩朱晦翁嘗於此烹  
茶刻茶竈二字

平林渡在五曲口丹壁青林別是一景

六曲 九九條

六曲溪之左有僊掌峰天遊峰響聲巖蒼屏峰陷石  
堂玉版巖三仰峰溪之右有僊跡巖溪之中有曹  
家石

僊掌峯在茶洞之上巖壁平削巖半石紋如人掌  
者數處晴明時紅光相射旁有瀑布下為僊浴塘  
天遊峰在僊掌峰頂隱屏平立於前外高敞而內  
幽邃拔出羣峰之上三六峙流一覽而收峰頂有

胡麻澗自山當庵曲折而來冬夏不涸相傳昔有  
胡麻飯從中流出

響聲巖在僊掌之頂巖中嵌空遊人咲語聲輒響  
應

蒼屏峰即響聲巖北方正如屏朱文公紀遊有字  
陷石堂從僊掌巖西迤邐而入石崖相倚成門門  
內小澗橫木為杠僅可容足移數武地忽平曠桑  
麻禾黍儼然村落故又名為小桃源此中舊有石  
堂寺宋天聖二年二月朔夜為雷雨陷沒石門內

一穴中藏銅佛可見而不可取

玉版巖在陷石堂之左

三仰峰在陷石堂巖頂之左三峰聳拔斜插比連若舉首企仰之狀第一峰下有棋盤石方正平坦可坐數十人第二峰有白玉蟾丹竈第三峰有洞曰碧霄高出半空構屋中居凭欄可望數十里洞口鑿石門逕而入其上有丹井井面作碧琉璃色相傳白玉蟾浴丹于中此峰高爲武夷之冠僊跡巖在溪右與僊掌相對有二足痕印於崖上

曹家石在僊掌峰下溪中相傳昔有曹姓者過此覆舟忽得石以免因名之以紀其異

七曲

凡六條

七曲溪之左有北廊巖天壺巖郎官巖溪之右有神臯巖石門巖溪水之中有上水龜石

北廊巖在陷石堂門口盤旋聯屬狀若廊廡以其在溪之北故名

天壺巖在北廊巖頂峰巒環合中有道院石泉泉極清徹天壺觀在其下



郎官巖在天壺峰前

神臯巖在溪右山形高峙盤亘五百餘丈以其為

僊靈窟宅故名神臯有上下二處上神臯以嘉靖

中住僧拉妓入宿一夕為風雷掣去庵宇基地盡

圯今惟下神臯猶存

石門巖與響聲巖相對有石穹窿如門

上水龜石在北廊巖下溪中

八曲 凡十四條

八曲溪之左有鼓樓巖鼓子峰吳公洞超峰鐘模石

貓兒石靈峰猴藏峰煙際石丘公巖三教峰香爐

石三層峰溪水之濱有笋洲下水龜石禪笠石霞

洲

鼓樓巖與天壺巖相接稍入山中視群峰特高峻

宋劉夔志云洞中有栴木樓其下四楹近世惟莆

田卓有見如其說諸志皆以為石樓然其實木也

高廣僅三四尺瓦甃亦皆以木為之窻櫺戶牖咸

具製甚精巧釘出於木外者四五分緣壁可登但

下臨清潭可怖耳巖下有桃花澗

鼓子峰在鼓樓巖前兩峰屹立有石扣之轟然有聲如鼓

吳公洞在鼓子峰南巖壁高廣中裂一穴外隘中宏可容四五十人吳公尸解成道之處今蛻尚存超峰在鼓子峰後

鐘模石在鼓子峰後高數十丈其形類鐘  
貓兒石在鼓子峰側臥伏如貓

靈峰一名白雲巖在鼓子峰右奇聳高峙半壁網緼如雲右有一洞中貯僊蛻數函及小艇一歲久

不壞

猴蘆巖在鼓子峰前其下有百花庄在洲渚間  
煙際石與猴蘆峰相對高挿煙霄

丘公巖在靈峰下石室橫亘數十丈云有丘公者於此成道

三教峰在鼓子峰前三峰竝立若儒釋道之冠  
香爐石在三教峰下方正如爐

三層峰在鼓子峰後三峯鱗次每將雨則先陰霾將霽則先明淨

笋洲在鼓子巖下溪濱上有麗澤堂遺址

下水龜在笋洲邊

禪笠石在水龜邊

霞洲在溪右水濱中有雲確霞屏斷橋曲塢

九曲 凡九條

九曲溪之左有寒巖香石毛竹洞挨人石溪之濱有星渚渡大小廩石魚磻石將湖石放生池

寒巖在靈峰玄都觀後有一泉泓流其左冬夏不涸

香石在靈峰下

毛竹洞在靈峰右巖壑幽邃毛竹茂密

挨人石在毛竹洞外行者側身而過石或搖動若挨人然

星渚渡在九曲溪盡處文公所謂桑麻之墟是也

大小廩石在溪上二石圓峙如倉囤

魚磻石與笋洲相對

將湖石在魚磻石右

放生池在九曲中宋端平元年奉旨放生於此

自神臯巖下至石鼓渡並禁捕魚

九曲折而南

凡三條

九曲折而南為山之陽則有齊雲峰藍原澗赤巖

齊雲峰高插雲漢靜夜時常見天燈

藍原澗在山南藍誠藍智卜室於此

赤巖在藍原澗東其色純赤高數十丈

九曲折而北

凡二十二條

九曲折而北為山之陰有馬月巖玉華洞鑄錢巖水

簾洞翠竹窠丹霞嶂馬頭巖馬鞍巖象鼻巖火焰

峰玉柱峰天心峰葛香林葫蘆石紫嶺峰杜葛巖

魚巖鷹嘴巖九井巖花巖黎道巖桃源洞碌金巖

馬月巖九曲溪發源於此

玉華洞巒如削玉境多清絕舊名幽微碧玉洞天

鑄錢巖在七曲之背有石稜層似梯

水簾洞在武夷山北丹霞嶂之左右壁高聳綿亘

數十丈倚巖為屋不施片瓦而雨露不沾巖上有

水自頂瀉下隨風飄灑疎密不定溟濛聯絡長如

簾垂瑟瑟然聲清洞府倏忽變態不一一名唐曜

洞天内有清微洞真觀乃宋道人江成真所創嘉靖間道人王廣僊成坐化遺蛻尚存宋儒劉甫嘗讀書於此

翠竹窠在水簾東北繇鳥道入深塢內復半曠

丹霞嶂在水簾右石色丹赤雄峙如城綿亘層疊

馬頭巖在水簾洞右聳拔昂首勢欲驤雲而上

馬鞍巖在馬頭巖右狀若雕鞍

象鼻巖在馬頭巖之左其巔有石帖在巖頭直垂而下若象鼻然

火焰峰在水簾洞右高聳如飈焰故名

玉柱峰與火焰峰正相對圓直瑩潔高數十丈

天心峰在火焰峰右象鼻巖左三峰屈曲毘連宛

如心字或以此地深隱爲洞天之中

葛香林在天心峰後

葫蘆石在天心峰側分兩層上尖下圓

紫嶺峰在火焰峰左石色青紫

杜葛巖在天心峰東北其巔可以遠眺城邑相傳

有杜葛二氏隱此巖隈累石爲門尚存遺址吳比

部中立改名杜轄今丘無可構書室其上

魚巖在杜葛巖前

鷹嘴巖在火焰峰西直聳高騫頂後尖曲如鷹嘴

九井巖在水簾洞左洞穴可居上有石井九口

白花巖在山之北

黎道巖在山之西北

桃源洞在山背長嶺路左之頂相傳辟支古佛棲

此證果

碌金巖在天心峰之南杜轄巖之北舊志未載今

武有一丘道人者結廬其上道人自云年五十而失

明六十始學為內養之術未幾復開遂棄捐塵慮

遯跡山中今已八十有七雙眸炯炯燈下作蠅頭

細書手不停披終日忘倦

者胡以志為武夷山也儒宮玄館具瞻九

武夷山志卷之一終

聯書于不幹毋絲日忘新

綴絕山中今日八十有子雙報歐歐登于於  
即六十欲學為內養之術未幾對開後棄  
存一立數人皆錄其土首人自云平五十五

武夷山志卷之二

東魯衷仲孺訂修

雲構篇

黍離之詩悲故宮也王居猶爾彼巖棲壑寄  
者胡以志焉武夷神山也儒宮玄館具瞻九  
服葺繕責之有司呵護嚴于鬼物故雖閱劫  
而未始有隳諸凡雲龕紺室曲榭短楹皆割  
勝掠奇為溪山點綴即或小有變更不過揭  
新滌舊若一水精廬昔屬雲龍道院金山故

址今且改祀文成之類是也陳蹟具存于焉

可按

一曲九十九條

一曲之上有入佳亭冲祐萬年宮會真廟僊君廟四賢祠王思質祠鄒東廓祠羅念庵祠宗方城祠常清庵昇真觀大雲寺金山寺雲龍道院止止庵金身寺溪光亭復古庵詠歸堂

入佳亭在溪口先名武夷亭萬曆間邑令太倉顧士琦易今名近已崩圯惟址存

冲祐萬年宮在大王峰左初漢武帝設壇以乾魚祀武夷君至唐天寶間始創屋于洲渚名曰天寶殿閩王審知增而廣之名曰武夷觀南唐李後主遷今地寶大十三年賜名會僊觀宋咸平二年太宗御書冲祐二字以旌其靈紹聖二年大建宮殿因改名冲祐紹定二年重建天寶殿元天曆己巳改觀爲宮加賜萬年二字 國朝仍改爲觀正統四年燬于火修建未畢嘉靖四年復燬明年重建題其門曰昇真玄化洞天門內稍北爲望僊橋橋



北爲二門扁曰勅賜冲祐萬年宮三門內爲漢祀  
亭亭上爲拜章臺臺北爲三清殿殿後爲賓雲亭  
亭後爲玉皇閣下祀十三僊閣東有方池閣後爲  
灋堂堂後爲方丈觀之中舊有持正中和賓雲等  
院橋隱觀妙觀復行間等堂玉皇閣東有方池朱  
晦翁有觀方池詩

會真廟在萬年宮外之右初鄉人以幔亭之宴得  
與僊真同會因建祠山下曰同亭宋政和間賜今  
額歲久腐頽嘉靖二年道士詹本初重修增創後

殿

僊君廟在會真廟之右南唐寶大間建今廢

四賢祠在冲祐觀右萬曆間建祀趙清獻胡文定

劉文靖朱文公

王思質祠在冲祐觀左萬曆間建

鄒東廓祠在冲祐觀西萬曆間建

羅念庵祠在冲祐觀西萬曆間建

宗方成祠在冲祐觀右萬曆間建崇禎九年重修  
常清庵在冲祐觀後其左有萬春庵今皆廢

昇真觀在大王峰頂巖阿中宋道士游開淵江妙  
靜妙正鑿巖壁壘石門建樓三層奉太清老君及  
十三僊今廢

大雲寺在冲祐觀東南隅南唐寶大十三年僧福  
祥建今廢

金山寺在大王峰下嘉靖中改建王陽明祠

雲龍道院在幔亭峰下卽彭祖之故址萬曆中長  
樂陳洙改爲一水艸廬中有雲龍居

止止庵在大王峰下禪巖前太姥元君及十三僊  
修煉之所晉婁師鍾唐薛邴李磨鏡李鐵笛李陶  
真皆於此成道歲久荒圯宋詹美中重建延白玉  
蟾居之玉蟾爲記其事久之復廢 國朝景泰中  
道士王守端江一真復創小宇尋亦廢正德末建  
陽方道明復創嘉靖丁酉直指李公元陽復建祀  
玉蟾於其中

金身寺在止止庵左閩通文四年建後爲水漂沒  
溪光亭在水光石上今廢

復古庵在鐵板嶂前舊有白玉蟾煉丹基元金埜

庵繼隱於此有虞集題扁墊庵之後余復嬰亦煉丹其中復嬰能詩嘗與藍山兄弟倡和

常庵在兜鍪峯下宋道錄江師隆以術止錢塘潮湧理宗御書常庵二字賜之仍勅建州守為廣其庵

詠歸堂在兜鍪峰下宋蔡杭建初杭父沈建南山書堂於虎嘯巖下歲久堂圯國朝正德十年于詠歸堂故址建九峯書院祀沈父子

二曲 凡四條

二曲之上有靄巖庵瓊瑄亭崇真庵南山書堂

靄巖庵在一線天洞中有觀音閣葛僊館相傳舊有妖蟒據洞中吐氣襲人葛僊驅之即洞建庵其妖遂息

瓊瑄亭在翰墨巖上

崇真庵在虎嘯峰頂

南山書堂在虎嘯巖下宋先儒蔡沈建

三曲 凡二條

三曲之上有夢筆山房超真亭

夢筆山房在昇日峰下萬曆中建有致曲堂玄霜閣九霞塢五芝窩花萼臺

超真亭在大藏峰南

四曲 凡十條

四曲之上有希賀堂吏隱亭焙芳亭浮光亭思敬亭

燕嘉亭宜寂亭僊史館觀山亭雲巖庵

希賀堂在雞窠巖前宋樞密陳升之建

吏隱亭在金雞洞左宋邑令趙忬建

焙芳亭浮光亭思敬亭燕嘉亭宜寂亭俱在御茶

園今廢

僊史館在四曲山之陰

觀山亭在題詩巖上宋侍郎劉夔建今廢

雲巖庵在雲巖石室中昔有巨蟒據室詹灑師驅

之遂建是庵

五曲 凡十五條

五曲之上有武夷書院奪秀亭雲莊山房玄元道院

雲窩水月亭清真道院水雲寮小隱堂仰止亭王

文成祠洪源書堂仰高堂棘隱迎綠亭苕岵瞻祠

武夷書院在大隱屏下宋淳熙間朱文公卜築內  
有仁智堂隱求室止宿寮觀善齋寒栖館晚對亭  
石門塢鐵笛亭元至正二十五年燬于兵 國朝  
正統十三年重建

奪秀亭宋儒胡致堂建在五曲盤石上致堂嘗與  
劉衡游其中劉善吹笛胡贈以詩有更煩橫鐵笛  
吹與衆僊聽之句胡沒亭廢朱文公偶携客尋其  
故址俄有笛聲發于林外公因構亭名以鐵笛  
雲莊山房在書院傍宋儒劉燾建今廢

玄元道院在大隱屏峰頂有石曰丹竈石室嘉靖  
丙辰道人汪癡願劉古松重建懷山館有僊弈亭  
癡願窩萬曆丁丑憲副姚公體信復建清微真館  
雲窩在大隱屏前宋陳丹樞建中有石曰石竈萬  
曆間少司馬長樂陳公省重建中有賓雲堂研易  
臺棲真閣遲雲亭

水月亭在雲窩右今廢

清真道院在茶洞內清隱巖中今廢  
水雲寮在茶洞傍宋儒游酢建

小隱堂在茶洞內舊志云宋劉欽道讀書之所郡志云劉衡字兼道棄官歸武夷築堂名小隱仰止亭在接笋峰腰

王文成祠在接笋峰下葛屺瞻先生撰記

洪源書堂在晚對峰左宋熊禾建裔孫之璋重建葛屺瞻祠在接笋峰右崇禎己卯邑令柴世埏建仰高堂在晚對峰下宋儒劉康建

棘隱在撞冠巖前舊志云有女真修煉於此今廢迎緣亭在天柱峰劉康建

六曲 九十二條

六曲之上有天游觀三友堂純陽祠僊掌庵天均亭森天閣劉文簡公祠石堂寺萬峰亭僊游館僊山庵碧霄道院

天游觀在天游峰頂元道士劉碧雲張希微建國朝永樂間法師弄丸子棲真於此歲久朽壞嘉靖五年道士詹本初重建

三友堂在天游峰上萬曆間耿定力鄭邦福李瑄同建

純陽祠在天游峰上初建葛屺瞻生祠今改建

僊掌巖在僊掌峰下巴廢嘉靖中巡按樊獻科建

僊掌亭於天游上

天均亭在天游峰頂楚人周思久建

森天閣在天游峰頂崇禎戊寅直指張公肯堂建

文簡公祠在陷石堂元時建祀劉文簡公燭今廢

石堂寺在僊掌巖西唐武德初建五代天成中遷

大隱屏下宋明道間雷震石隕寺陷爲潭元皇慶

六年移建星村盤陂 國朝嘉靖中復建小庵于

唐時故址

萬峰亭在天游峰後妙高臺之上舊名聚景亭侍

郎程文德易今名

僊遊館在六曲溪之北舊名晞真館宋紹興間漁

人得遊僊石刻于巨浪中傍題曰子真書不知子

真爲何人而筆勢甚奇因從其名

僊山庵一名山當庵在三仰峰下累石爲門濬地

爲池歲久頽廢嘉靖間重建

碧霄道院在三仰峰頂上爲玉皇閣中爲三教堂

七曲 凡一條

七曲之上有天壺道院

天壺道院在北廊巖頂天壺巖下

八曲 凡五條

八曲之上有兩巖道院鼓子道院翠虛齋碧雲庵獨善堂

兩巖道院在鼓樓巖下本吳世卿書堂後改道院鼓子道院在鼓子巖下倚巖為屋地勢峻絕舟至五曲已見其室若在天上絕頂有石穴有吳公洞

弘治間火嘉靖初復建

翠虛庵一名三鼓庵在鐘模巖前今廢

碧雲庵與靈峰相對上有禱雨亭

獨善堂在鼓樓巖下熊蕃建

九曲 凡六條

九曲之上有清微太和宮霧峰玄都觀杜清碧宅萬卷樓思紹堂儒林祠

清微太和宮在九曲溪頭元道士彭日隆開創中有清虛堂凝雲閣宜晚亭舊名和陽道院三十八



代天師改以今名永樂十四年為洪水所漂  
霧峰玄都觀在九曲溪頭白雲巖下元時里人余  
藥坡建修道於此初名道院太守李真嶠奏賜今  
名趙子昂書扁後廢成化年方士王道元建  
杜清碧宅在平川內有思學齋懷友軒詳見寓賢  
紀

萬卷樓在平川元詹景仁建

思紹堂在平川杜本之孫圻建

儒林在九曲盡處元詹景仁建與杜本之讀書其

中

九曲山南 凡四條

九曲山之南有齊雲庵王城廟靜可書堂清齋道院

齊雲庵在齊雲峰下

王城廟在山南十里魏王子騫故城舊志以為同

原即其地

靜可書堂在山上元詹景韓建

清和道院一名江源庵在山南

九曲山北 凡九條

九曲山之北有天心庵養恬庵呂僊亭清微洞真觀  
猶龍道院崇玄館仰雲庵招僊館李見羅書院  
天心庵在火焰峰右馬頭巖左據武夷諸峰之中  
舊名山心永樂間庵廢嘉靖七年道士韓洞虛重  
建龍虎山天師張彥頽扁以今名  
凝雲庵在馬頭巖下其中有息機窩鳴球亭涌翠  
臺橋隱  
養恬庵在杜葛巖頂嘉靖年中邑人吳北部立隱  
歸於此故名

呂僊亭在景陽洞杜葛巖右

清微洞真觀一名唐曜洞天在水簾洞之石壁下  
宋道人江隱心建

猶龍道院在水簾洞東北萬曆間道人汪清慧建  
崇玄館在玉華洞下名曰幽微碧玉洞天今廢  
仰雲庵在鑄錢巖萬曆中建

招僊館在黎道巖頂

見羅書院在九曲盡處名後溪督學徐卽登建見  
羅謫戍漳州聚徒講學於此置有田三十五畝爲

武夷山志

修葺伏臘之費

武夷山志卷之二終

崇文論古王華師于谷曰幽巖響王師天今窺

嶺巔巖刻古木巖師東北萬習間葺入玉霄巖

宋葺入玉霄心巖

青巖師真贖一谷書巖師天古木巖師之谷壑于

呂謝亭古景則師林舊巖古

武夷山志卷之三

溫嶺東仲孺訂修

題刻篇

杖屨探奇轉盼輒雲飛鳥沒古人所為重題

識也昌黎勒名嵩山坡公紀書潭壁睹黑電

而興思高深固與之俱永矣茲山之考亭九

峰曷多讓焉嗣是而摩鐫殆遍于佳境其為

輝映峙流者固多貽誚于黥劓者政復不少

是編僭為點定至若羯胡之筆前牒濫收茲

盡芟去亦國風不列荆楚之義

統計二十四條

虹橋版附錄

題識石

在九曲溪頭晉郭璞留識云黃岡降勢走飛龍鬱鬱蒼蒼氣象雄兩水護纏歸洞府諸峰羅列擁神宮林中猛虎橫安跡天外狡獬對面崇玉佩霞衣千萬衆萬年僊境似崆峒

按晉時未有七言律疑為後人之作

唐刻石

在幔亭峰下石刻云唐天寶七年歲在戊子七月封名山大川登仕郎顏行之記此石舊在萬年宮門外同亭湖畔後湖陷石墮水中今水竭時猶彷彿可見

幔亭峰刻石

幔亭二字高廣二丈許運同楚人蔡宗憲書

萬年宮扁額

武夷山三大字宋游九言書

天下名山第一明葉詮書

武夷山志  
朱晦翁權歌刻石

在九曲溪傍分刻皆晦翁真蹟

換骨巖刻石

建寧大守無畏居士胡師文敬造武夷換骨僊巖  
紹興乙亥十二月張其王華國同來幕賓王用尉  
石景元俊後至

致和丁酉古艷李景來貳府事瓜期俯仰因過武  
夷游換骨巖瞻禮聖跡久之謾書一絕以紀其實  
區區三載抗塵顏拙直無因脫訪讒今日捫蘿扣

僊室願將凡骨換雲巖庚子六月十二日

一曲刻石

九曲溪三大字宋開禧丁卯趙師巖書

福建提學副使朱衡將之蜀携諸生游久旱霖雨  
沛下山峰如濯景物鮮明時皇明嘉靖甲辰六月  
四日

隆慶元年三月望後殷從儉自閩赴浙來游武夷  
沂流謁紫陽書院愛其巖壑幽勝不殊粵中徘徊  
久之時天子新政民物熙皞艸木鳥獸咸若斯游

也道逢運泰情與景會視有餘樂因書以識歲月  
戚大將軍繼光曰大丈夫既南靖島夷便當北平  
胡虜黃冠布袍還期游此

虎鼻巖刻石

知動仁靜

水光石刻石

修身爲本豫章李材書

兜鍪峰刻石

千崖萬壑宋儒蔡九峯書

印石刻石

印石二隸字建州刺史華容謝上箴書

題詩巖刻石

咸淳戊辰三司奉朝旨鼎建武夷書院開山職教  
者蓮蕩宴氏之孫午鳳

至元庚寅之春劍南母逢辰修創書院董役者趙  
必祉安天民熊禾詹光祖彭文甫書

鷄窠巖刻石

淳祐二年閏六月二十三日宛陵饒虎臣來游是

日也溪風歛雨山雲澄靄朝循一曲沂流而上暮宿五曲艸廬而歸

金鷄洞刻石

飛翠流霞沈涵書

雲窩刻石

雲窩

大隱屏

伏虎巖

梯雲 皆陳省書

振衣岡 范含虛題

接笋刻石

接笋二大字陳省書

嘉靖己未冬十月十七日縉雲樊獻科按閩之暇偕督學君宗臣訪汪劉二真人于大隱屏之巔獻科因題其居曰懷山館名其泉曰僊掌露宗臣爲文記之獻科復書此志之

撞冠石刻石

昇真元化之洞六大字宋開禧壬寅建陽游九言

書

淳祐元年季秋月圓後二日清源魏國表會稽呂  
秉南山東彭永年雨中來

僊掌峰刻石

壁立萬仞長樂陳省書

蒼屏峰下刻石

逝者如斯晦翁書

響聲巖刻石

何叔景朱晦翁連嵩卿蔡季通徐宋臣呂伯恭潘

叔昌范伯崇張元善淳熙乙未五月二十日

淳熙八月乙未劉彥集岳卿純叟廖子晦朱仲晦  
來

蔡杭自江左移憲浙東便道過家泛舟九曲積雨  
新霽山川呈秀哦咏而歸同遊者謝元龍藍簡子  
蔡勳吳載詹復子公亮時淳祐己亥仲春

城高巖刻石

空谷傳聲陳省書

一線天刻石



太保屏三字

風洞二大字宋景定元年春建安省齋翁自強書  
梅山劉袞道士鄭德建詹德成張道臻淳熙壬寅  
三月五日來道過詹元鼎父子載酒俱游捧硯吳  
元泰

宋五甲寅夏閏乙未後山翁泳蔡公亮瑤田詹復  
同游九曲邂逅園田詹然于大隱屏下相拉觀一  
線天之勝然之弟炤載酒來會引觴命酌誦朱夫  
子神斧之章慨然有感援筆賦詩題名而歸公亮

書然鐫石

水簾刻石

噴龍涎

劉岳卿幾叔招胡希聖朱仲晦梁文叔吳茂實蔡  
季通馮作叔陳君謨饒廷老任伯起來游淳熙辛  
丑七月二十三日仲晦書

龍湫漱玉

杜葛巖刻石

景陽洞天吳中立書

虹橋板 附

峰窩巖縫諸處遍插有直豎而若柱笏者有倒垂而若懸筍者有如朱栱如丹楹如雕闌者自秦逮今風雨摧凌不朽不墮好事者百計攀取不獲常有雲氣伏其中

武夷山志卷之三終

武夷山志卷之四

東魯衷仲孺編訂

僊真編 羽流釋子附

看山好譚服食晚歲忽著論異人有無紫陽講學茲山叅同悟真手為訂注山有僊霧形之歌咏而謂魏子騫輩為避世之士眾所臣服遂傳以為僊兩公寥廓之見亦不免牽于腐說而搖移如此獨不睹霧異具存且莫若或遇之使徐福樂大諸人返海上之艤舫叩

幔亭之絕巘何必不如僊棗亭之小吏俱化乎胡以明其然也雲水瓢笠之徒如蟬而蛻者不一而足何莫非武夷之成案也爰述所聞以徵非妄

統計凡二十七條

彭祖姓錢名鏗傳稱其嘗進雉羹於堯堯封之彭城故稱彭祖隱居幔亭峰下得養生秘術茹芝飲瀑乘風御氣膚如處女顏若舜英歷娶六十七妻年七百七十七歲有子曰武曰夷亦隱是山山因是

得名

皇太姥相傳為神星之精母子二人來居於此采黃精以餌能驅檄風雷乘雲而行秦人稱之為聖母或稱皇太姥今封太元夫人詳見祝穆記中劉少公舊稱武夷山主按雪笈七籤云武夷為昇真玄化洞天真人劉少公治之

控鶴仙人名屬仁乃天台元虛老君華真僊師第七子也嘗駕鶴至武夷時魏王子騫與張湛等禱雨龍潭而僊人適至騫等具懇遂獲甘露湛因獻詩

曰武夷山上武夷君白馬垂鞭入紫雲空裏只聞  
三奠酒龍潭波上雨紛紛屬仁語子騫與湛等先  
以酒失忤黃元真人謫居此山八百年後仍得蛻  
化因授以九品丹書

魏王子騫本閩之延津人相傳爲魏王子又云魏時  
人姓王名子騫皆不可考入山修行時張湛孫綽  
趙元奇彭令昭劉景顧思遠白玉生馬鳴生及女  
真胡氏李氏魚道超魚道遠凡十二人求道武夷  
依子騫爲地主遇控鶴僊人授以丹訣後皆僊去

以黃心木樾藏蛻骨於小巖巖中宋端平間歲旱  
迎至太乙宮禱之甘霖立應詔封十三人皆爲真  
君其從神潘遇先世居中奢舖因子騫給奉十二  
人後移居御茶園亦得僊去于是亦封爲通靈協  
濟侯邑中每遇旱輒迎禱無不響應

許碯自稱高陽酒徒唐時人少舉進士不第學道王  
屋山辟穀養氣十餘年宇內名山無不遍歷嘗登  
幔亭絕頂題云許碯自蛾眉山尋偃月子到此又  
作詩云閨苑花前是醉鄉誤翻王母九霞觴羣僊

武夷山志  
拍掌嫌輕薄謫向人間作酒狂或詰之曰我天僊  
也在崑崙就宴失儀見謫人皆笑爲風狂忽朝乘  
雲而去

婁師鍾晉時人修煉山中茹芝朮勤吐納吸日月精  
光後冲舉而去

薛邴唐時人修煉山中其實失傳見止止庵記

李鐵笛洛陽人李磨鏡燕山人名字世代俱無可考  
但白玉蟾記止止庵以爲于此修煉後皆僊去

李陶真宋熙豐間至武夷止止庵出祠牒示人乃唐  
開元時所給者衆俱笑之爲人落拓詼諧好吹鐵  
笛每作穿雲裂石之音或屈節臘諸道士招飲凡  
十餘房真無不在者笛韻同時並作衆俱駭愕嘗  
與衆共泛忽自投於深潭及歸而真已鼾睡榻上  
矣已又入通僊巖踪跡莫定一日齋沐與衆言別  
留詩云毛竹森森自剪裁試吹一曲下瑤臺當途  
不遇知音聽拂袖白雲歸去來遂吹笛乘雲而去  
張草衣名字莫考然白玉蟾常記其事

孔氏莊氏葉氏俱浙之上虞人唐天寶間于天柱峰

前遇元君授以丹訣指其往東南覓修煉之所乃于均峰得雲虛洞以棲焉道成乃投身于換骨巖遂僊去治平間歲大旱里中有江小三者遇三女于均峰之下知其爲僊也因訴以旱故三女授以小葫蘆盛水少許令灑之是夕大雨霑足乃獲有秋江往謝緣山徑深入忽有洞曰雲虛之洞有小童導之使前三女餽以胡麻餅歸行數里桃花夾徑渡一小澗出三姑石下至家已三載矣

鄒道人失其名清獻趙公宰邑時鄒以產戶辟爲錄事奉公甚恭一介不妄取公秩滿鄒自是棄妻子學道武夷山中過昇真洞遇張真君授以九轉丹訣得道尸解於幔亭峰

吳懷玉邑之新豐鄉人習靜武夷山中行坐常閉目人問之故不荅因稱爲眇翁年九十六而化初真人之未解也每醉輒狂歌大笑指武夷君像曰歲在戊子降爲人主指魏真君像曰三十有八載當撫平四海故楊文肅公家集云真宗神宗哲宗皆十三僊降世真人化去之明年太乙宮監齋某遇

之於京城言武夷瑞世之說尤詳建州守陳覺民  
過武夷詩曰昇真洞口接天門霧艸丹花日日春  
聽說列僊來瑞世三朝德澤在斯民又王埜有歌  
云列僊高拱今宅玄都三聖繼御今恢炎圖措斯  
世于平又應皇家今瑤符

備見方輿勝覽及舊志

王通永平人宋元豐間學道武夷居毛竹洞深窈玄  
旨能飛神御氣呼召雷雨治平三年五月念五日  
坐化于會聖洞詔封洞明普靜真人僊蛻尚存

徐熙春邵武人熙寧中學道武夷常夢一鐵冠道人  
容貌雄偉相揖共語覺而異之詰朝邂逅一人宛  
若夢中見者自云姓蔡且邀之飲臨別云至某時  
當晤于昇真洞下真人如期而往則鐵冠者已先  
在矣因授以丹訣後坐化洞側崖穴中遺蛻如生  
萬曆間邑侯以禱雨得應遂建樓于會真廟左迎  
蛻以祀之

張垓後漢三山人又云名湛坐化于大王峯半壁石  
室中相傳謂其解化時其母追呼之首因轉盼巖  
下故遺蛻亦復爾爾背上有白點如錢者六七右

手有一杰字坐旁一石方正如棋枰上有金蟾昂首向蛻因號爲張金蟾萬曆初年直指楊四知見其裸裎近褻因塑而飾之仍護以鐵欄云

徐頃邑之黃連坑人嘗于三髻山遇二僊對弈方啖菓擲其餘于地日使食之歸卽辟穀且善知人意內事所居常有雲氣出其上行步如飛雖巉崿峭壁若履平地入水火不能焚溺乾道中歲旱邑侯諸葛庭瑞迎之使禱雨真人登永隆寺鐘樓望三髻山大呼聲未已而雨下如注尸解後鄉人爲之立祠山中徃徃有人于昇真洞見之

郭道人埋其名自稱臥雲子居武夷預知人禍福輒奇中紹興中邑人諸葛行正遇之于途因言行正生平事如目覩行正異之遂師事焉同行市中遇武弁趙姓者曰此人吾親見死于京師何以至此道人謂行正曰人旣識我矣尚可畱乎正曰然則將何之曰孤雲野鶴初無定處後三年復至正事之如初因授以長生之訣俄而同日坐化道人于昇真洞崖石上行正于鐵板峰頭時乾道壬辰八



月也

知微子樵陽人嘗採藥山中遂結茆于毛竹洞旁餌  
松飲水得冲舉術有知微子一卷行世坡公常爲  
序之

白真人名玉蟾號瓊瑄本姓葛名長庚大父曰有興  
福州閩清縣人董教瓊州而生真人于瓊紹興甲  
寅三月十五日也祖父繼亡母氏他適因冒百姓  
真人天資聰敏髫齡時背誦九經十歲來廣城應  
童子科主司命賦織機詩卽應聲詠曰大地山河

作織機百花如錦柳如絲虛空白處做一匹日月  
雙梭天外飛遇泥丸真人陳翠虛携入羅浮未幾  
遍遊名山於黎母山中遇神人授以洞玄雷法能  
呼召雷雨馘攝精魔後又師事泥丸翁於羅浮者  
九年盡得其還丹秘訣經書一覽卽了大義文思  
汪洋頃刻數千言又善草書有龍翔鳳翥之勢自  
讚云千古蓬頭跣足一生服氣餐霞笑指武夷山  
下白雲深處吾家封紫清明道真人彭鶴林又紀  
其成道後出没隱顯變化莫測真人舟嘗過鄱陽

湖篙師值日暮議泊真人剪紙月噓于檣端皎然  
達旦而舟行無沮又嘗與衆泛舟西湖酒酣躍入  
水中衆驚呼援溺真人出水面搖手止之而沒後  
忽見於海豐縣嘉定末詔徵赴闕對御稱旨命館  
太乙宮一日不知所往

陳冲素號虛白入武夷修道遇異人授以丹法著規  
中指南盡發內丹三要之旨嘗與一樵者飲忽仆  
地夢入一洞府有物迸出傍有人指之曰此青靈  
芝也卽採食之自是飲水不復粒食年餘僊去

吳公名代失傳在鼓子峰右石室中修煉得道偶將  
炭于石笋上畫階而上隨畫卽登遂僊去因號吳  
公洞遺蛻尚存

丘公不詳名氏在靈巖後石室中坐煉晝夜精思頃  
然覺悟一旦坐化畱詩曰本是瀛州僊子徜徉玄  
化洞天咲指蓬萊歸去冲飛笑入蒼煙因號其巖  
曰丘公巖

黃樸樵川人紹興初訪道武夷山中逾數月尋歷殆  
遍無所遇忽於白雲巖下見草庵有道姑屏處長

翁紅頰見樸問其來故答曰洞天有名而無實僊不可見也時日已暮姑欲邀宿樸曰汝婦人獨居於義不可姑曰此地多虎恐君見傷樸竟不肯入危坐戶外半夜果有虎咆哮而來姑急開門呼之答曰寧死于虎決不入遂堅坐達旦虎已潛去姑嘆曰君真有志洞天去此不遠然尚隔深淵非臂羽足雲不可渡君試徃若遇樵者當拜而問途及至水際溪流洶湧方顧盼間有樵者來樸乃如姑教樵者怒曰饒舌老婆矣泄吾事遂令樸閉目挽

其衣步雲而行俄至中岡見宮殿崔嵬一人碧冠朱履謂樸曰汝何人敢至此宜速回積功累行他時或可再來遂與胡麻飯食之遣出至崖下回望高山深谷窅非昨境道姑與庵亦失所在樸自是絕粒化于三仰峯

金志陽號笠庵永嘉人蓬髮不櫛人因以蓬頭僊人稱之嘗遇李月溪授以丹訣遍遊名山後至武夷道術丕振病者叩求隨以供菓餌之無不立愈歲旱召龍警以偈語入水少頃大雨如注居止止庵

冬不爐夏不扇至元庚辰趺坐而化

王廣邑之黃連坑人幼嘗墮水忽濤浪中一僧挾出  
掀之至岸嘉靖間學道依楊道人于武夷勵志苦  
修爲衆窘辱不校遇異人指授每登山徃田人見  
有兩王廣云將化前一月語道衆曰我卽日欲歸  
柰師遠出未旋何旣數日又曰師今至某處矣策  
杖迓之師回語以欲歸之事師戲曰汝何日歸乎  
曰明日師曰我方回欲架屋姑少待卽應曰諾又  
月餘復問師曰今可矣但卜何日荅曰明日師猶

不信詰朝齋沐別道衆端坐而逝全蛻見存水簾

洞中

羽流

凡九條

李良佐字玄輔南唐後主李璟弟也賦性冲澹精心  
玄詣寶大八年辭後主訪道武夷遂居之舊觀剏  
在洲渚間後主勅有司移建今址賜額曰會僊禁  
環山毋得樵蘇鑄銅鐘一口重千餘觔自金陵航  
海達閩而至山中封爲演道冲和先生復增飾觀  
宇賜田給衆後三十七年坐化於清虛堂乃本宮

開山之祖也

江師隆號三白建陽人本儒家子風儀秀拔訪道武夷山中得五雷秘術能致晴雨紹定間錢塘有水孽爲害詔赴闕以法力殄平之賜號金門羽客已而乞歸武夷御書常庵二字賜之于時尤袤徐清叟尤尊禮之清叟贈有詩云上天下地一鶴鞭風駕霆片符欲識常庵妙處易中曾着工夫九曲溪頭活計三生石上精魂聞早鬧藍抽脚空山歲晚啼猿後端坐林壑堂而化

彭日隆邑之吳屯人居冲祐觀遇異人授以雷法祈禱皆應生平未嘗學問惟讀清淨經妙達玄旨信口吟咏皆蕭疎有致嘗自讚云五五二十五只管從頭數到底一也無松稍月當午居清微太和宮後坐化虞集常爲之記

張與玉號霜崖三山人博雅善詩居僊真洞遇異人得秘訣悟玄牝洞徹先天一氣禱求立應四方從學者甚衆閩憲觀公薦于朝以疾辭制授法師無疾而化

林文能號存心三山人恬澹博洽精于玄理常詮衍  
諸品與義羽流咸師事之遇神授銅符用以治病  
祈禱鮮不立應結廬于大王峰頂雖霜霰交集爍  
膏流金不爐不扇三十八代天師留國公聞于朝  
詔赴闕以疾辭賜號講師泰定甲子年九十有五  
端坐而化

張克真號平心三山人居武夷時邑之光化寺有妖  
狐爲祟寺僧請于真召雷擊之其患遂息福寧州  
太旱真投符龍湫隨見金魚脚符以入頃刻雨大  
作州人德之及歸相率追送經飛鸞渡而舟覆溺  
者甚衆真儼然端坐指顧之頃皆出自波間衆益  
敬服三十九代天師太玄薦之于朝寵命方下而  
已化矣

程斯道永平人程正公八代孫學道武夷師事林文  
能留止止庵中授以丹訣及岳澗忠孝雷書禱雨  
頃刻可致詔赴闕賜號玄通子住持三茅山

王與敬號秋崖三山人少入武夷遨遊湖海叅訪高  
真留雲州遇亢旱祈禱大應城中妖興夜聞人馬

之聲長吏請其治之妖頊滅丞相李固等交薦于  
朝賜號至道玄應通妙法師至大二二年奉旨還山  
護冲祐觀嘗有詩曰依然拂袖歸山去止止庵前  
伴白雲竟化于止止庵

江成真號心隱建陽人從武夷張巖隱游清修嚴謹  
法師黃雷困見而奇之授以清微雷法祈禱輒應  
後聞于朝賜號優禮晚歸築室水簾洞未幾無疾  
而化

釋子

僧慧明不知何許人天啟壬戌從南海來結茆于火  
焰峰巔不下山者今二十載四衆叅叩殆無虛日  
鍾伯敬詩遊半不逢僧以為恨事而公以禪宗闡  
化茲方亦疇昔之希觀也

武夷山志卷之四終

正武夷山志序曰武夷山在延平府建陽人從武夷張巖隱游清修嚴嵩  
 升茲式亦翻昔之赤贖也  
 以清微雷法祈禱輒應  
 靈前婚藉莖半不發曾以為別事而公以斬宗聞  
 欲袖巖不下山昔今二十薄四舉參叩欲無盡日  
 前慧期不狀何藉人天竭主烈對南哉來錄燕干火

武夷山志卷之五

東魯東仲孺編訂

存疑編

志倣史而作者也傳信示實謂之信史疑則  
 闕焉疑而仍存非古也然而太人之占夢齊  
 諧之志怪子瞻之姑妄言之率是類也雖疑  
 而復存之存之亦猶行古之道也

統計凡九條

楊萬大性尚恬靜結茅武夷漁樵山水間夜則懸燈



獨坐撫琴詠詩一夕有道士黃冠玄服貌甚偉扣門云欲往萬年宮瞑不便濟求假榻一宿大因畱之自後數往來而禮之益勤一日復來謂大曰吾非世人也今當歸洞天特來別汝吾觀汝所爲甚善天必有以報之汝老矣其在後人乎命舟欲與偕去萬大始諾之旣而戚然告曰吾二親未卜窀穸豈可去乎道士曰然吾待汝勲事畢與汝偕往未晚因與共舟至甌寧之豐樂里指溪灣秀峰下曰汝於某年月日奉父母柩於此俟有白狸眠處卽葬所也白狸躍起卽葬時也大如期奉柩至山中果見白狸如所言葬之不逾年而他處子孫聞其地饒衍多來居之因名其地曰楊墩墓曰白狸窠時年已九十有七一日晝寢夢前道士來迎曰汝今大事已畢當與俱去覺卽沐浴更衣端坐而逝今太師文敏公榮卽大之後也

楊文公億其初生也母章氏夢羽衣人自言武夷僊托化旣而生則一鶴雛也盡室驚駭貯而棄之江其叔父曰吾聞間世之人其生必異如姜源有棄

簡狄有契乃追至江濱開視鶴已蛻而爲嬰兒矣  
體猶有紫毳尺餘彌月乃落見億本傳

劉夢鼎邑之五夫里人忠顯公曾孫也母未孕之先  
夢一羽衣人手捧三足香爐至其家曰以此寄在  
汝家當有嘉應自是而孕十二月始生遂名夢鼎  
少而穎異嗜學師事侍宸黃雷因得清微道法主  
行霧寶齋醮多有異應會邵武九龍觀延之建黃  
籙大齋而枯井湧泉天降甘露自是而四方從學  
者翕然一日應南浦真氏建醮之招途遇一道士

請謁問其姓名云是武夷侍者迂公回山須臾不  
見及歸家家人夢亦同遂沐浴趺坐而化

見舊志

至元間草屐毛興入自南浦欲止宿冲祐觀肆行劫  
掠晚至三姑市見洲渚間旗幟森布上皆有潘字  
兵衛劍戟如林寇懼卽退駐梅溪詰朝邑兵分爲  
兩翼夾攻擒之云本欲逃去見四山兵馬圍繞脚  
如束縛是以遭獲耳

見本縣志

黃咸中東陽崇山人少習蓮社歸自后山假宿止止  
庵夜半有道人步月而來坐盤石上呼咸中語之

曰汝宿有道緣名在僊籍吾有秘法授汝可依吾教遂出書一卷及銅印方廣寸許其文乃清微訣法令佩此可濟世延年仰視天際見有綵雲捧月遂令更名慶雲仍約曰此後愈宜勤修七十年後再會于斯咸中再問其姓名荅曰東南子乃吾名也不須過問騰空而去咸中自是卽棄妻子絕嗜欲遍遊名山叅求至道住洞空山二十年號爲洞空子後回武夷蛻化時年九十計之正所符約宋咸淳間蜀人彭澹軒罷江東倅游武夷山嘗獨行

林藪入草庵中見二人峩冠博帶對食招彭共坐俎中豕首一羊肺一鷄一所言皆先天圖易性理之學玄妙深奧不可曉彭請其姓字右坐者云姓魏山林野叟無字可稱左坐者不荅日暮辭歸明日携榼再往已無徑可達下山至一富家言所以富家云異哉昨者至朱祠致祭正俎中之殺方悟左者爲晦翁右者魏鶴山也

見異聞總錄

天聖二年二月朔夜石堂寺爲雷擊而陷寺僧皆沒惟一僧名居仁及二童行日子雲子明者獲免三

人者聞雷雨初作時開戶而視忽若有人掖之以去恍惚不省所往明日鄉人來視乃在塔前李樹下如夢方覺因備述所見云

劉侍郎夔少時肄業山中一夕方篝燈展卷忽有手藍色毛穆穆然從窻隙入爲剔燈劉遽執其手署押於上乃叱使去鬼曰吾不能去矣告侍郎乞去所署劉如其請手始得去後劉果歷工戶吏三侍郎享年八十有三

游三蓬者秦時人也少孤與弟乞奴漁于溪許晨夕

歌呼相和不問寒暑惟以三莎蔽體人謂之三蓬或憐而與之短褐數日亦復棄去始皇二年舟泊梅溪渡口有一老父襤褸殊甚問游求渡游兄弟以其老揖而濟之且叩所往老父曰旦日皇太姥宴羣僊於玄化洞天子能從我游乎三蓬兄弟相視而駭長跪曰幸甚老父遂令瞑目坐舟中但覺蓬蓬如飛食頃忽聞鶴唳竊視之則二舟已閣巖罅不復動矣於是玉皇太姥乃使謁者設虹橋從巖際引入金闕三蓬兄弟及山下數百人以次展

謁畢賜宴彩幄下仍以次起上太姥壽酒罷命循故道而抵家遂絕粒惟飲水而已漢昭帝時或見之於幔亭峰頂行步如飛今巖隙僊船卽游所棹者也

嘉靖間有一田父訪道武夷忽於天柱峰下遇一樵者坐譚久之因問曰父曾見僊乎田父曰吾未之見所謂僊窟盡虛妄耳樵者笑而不荅因出袖中詩與之曰曾賣金陵酒一卮與君相共話玄機壺天有路容人到凡骨無緣跨鶴飛莫向煙霞驚縹渺好歸鄉國認依稀可憐寂寞空歸去休向紅塵說是非田父以詩示人忽香風飄落字跡皆滅自此不食不眠浪迹雲水不知所終

楊翊字正臣浦城人嘗游武夷至勝處必有題詠旣歸有道人投刺自稱張湛然翊館之南園當夜月明如晝道人于池上長嘯須臾雲氣慘淡清飈四起衆皆寒悚忽雙鶴從空而下道人遂跨飛去翊始悟十三真君中所謂張湛者也取刺視之乃白

紙耳

見浦城志

武夷山志卷之五終

游隨字五日前知人嘗執笏夷王繼盡必言艱精雅  
 此不食不難形極雲水不賦而絲  
 籍景非田父以指示人忽香風飄蒼宇極皆熱自  
 烟我飄灑固隨於絲可對窈窕空飄去杳向珠璣

武夷山志卷之六

溫嶺衷仲孺輯撰

物產篇

山澤之產志風土者類謹書之武夷隸于崇  
 則崇之風土已矣烏事再志是不然十五國  
 之風土一統志已盡括之矣而省直不厭再  
 志省直已盡括之矣而郡邑仍各為志蓋簡  
 牘繁所志必畧略亦讀志者之所病也房州  
 杜若雖為唾資然職方氏固未詳于讀志乎

統計凡二十一條

茶 諸山皆有惟接笋峰鼓子巖金井坑者爲尤佳以清明時初萌細芽爲最谷雨稍亞之其二春三春以次分中下至秋露白其香擬蘭但性微寒耳大抵茶質不甚相遠在製烹有法予之茶說所載頗詳 按宋元時有北苑龍團之貢遂編徭役名曰茶戶每歲差官督製民疲奔命苦不可言至國朝竟罷之而茶戶之困如故蓋有司取以薦新胥役每賄管是差以飽其欲耳嘗見唐子畏戲爲虎丘僧題云皂隸官差去取茶只要紋銀不要賒蘇裏捉來三十板方盤捧出大西瓜使子畏而在不知當更作何語也

蘭 大王峰陰及各處多有之一莖一花色如綠玉微綴朱絲清香四達

黃精 按博物志云太陽之艸名黃精餌之可以長生太陰之艸名鈎吻入口卽死蓋野葛之別名也採者不可不辯

僊茅 藏經中所謂阿輪乾陀者是也川浙俱生獨

此山者爲最

何首烏分雄雌兩種雄淡白雌微赤唐李遠云此僊草也五十年者大如拳餌之一年鬚髮返黑百年者大如椀餌之一年齒落更生二百年者大如斗餌之返老還童追及奔馬三百年者大如栲栳中有鳥獸山嶽之紋號爲山精純陽之體久服且成地僊獲餌之且十餘年大小竝進茫無所効李君其欺我耶抑別有咀製之法秘而未傳也

茯苓 溪谷中老松根底多生經云樹老枝葉不復

上升其津氣旋向下泄故凝結成塊耳

石菖蒲 生澗水石隙中其大如筋一寸九節五日九日採如法製之多服益人聰明久服身輕延年耐老

葛 山谷土厚而背陰之地多生根入土深者爲最治傷寒解野葛巴豆之毒花色微黃服之消酒不醉蔓燒灰可祛喉痺亦藥籠中之珍品也

山藥 本草所載以懷慶者爲最蓋取其堅實味甘而効大茲山之產政未易伯仲也



山查 叢生其實大者如慈菰小者如筍子秋至則赤纍纍綴于綠葉間採以入藥消食健脾生啖味甘而微酸差可擬西蜀之櫻桃也

巖松 長三四寸許蓋草屬以其婆娑類松故名久藏枯瘁得水卽青翠復活因又號萬年松生懸崖峭壁間採之頗不易惟大王峯頂獨多

芝 有青紫白三色方書云色分六品味應五行俱主祥瑞夜視光彩映目入火不焦久藏不朽餌之可以長生佩之辟兵鎮惡然皆生之五嶽他處鮮有人亦希邁是二者得毋非其種耶

鹿葱 葉如蘭青翠而稍柔脆花重臺五出裏丹外赭味甘美食之令人忘憂故名忘憂草一說久餌壯陽又名宜男

毛竹 產毛竹洞傍每株數十節節生一枝枝與幹小大不殊

方竹 徧山皆有秋乃生筍甘香脆美當與天目之產並稱

白鷗 狀如雉大倍之素質黑紋嘴爪皆丹

鷓鴣 形類牝鷄臆前有白圓點羽毛黃紫青碧相錯成文山谷詩話謂其聲之鳴乃行不得也歌歌南越志云鷓鴣雖東南迴翔然始開翅必先南向鷓鴣 形如鶩色褐而黑不生卵孕鷓于池澤之間能沒水捕魚漁人畜之馴者聽呼名而至每漁時先以環束其項再駮入水伺食滿乃懸足傾而出之杜荀鶴云不知此鳥當時亦作何想然漁人亦大不仁矣

猿 似猴而大黑色長前臂棲木杪每引臂懸連而飲澗中恐其足之履地也土人云其種有三僂猿山猿巖猿每清夜送聲聞之悽越

猴 大者為狙中者為胡孫大僅如拳者為王孫晦翁詩云好鳥時時鳴王孫遠相喚則不但猿聲悽越矣

桃 所在皆有凡數種一種名鷹嘴其大數倍常桃有嘴彎起如鷹種桃者云有寒疾者食之能發汗故其品獨貴每花時紅錦紛披澗谷茶歌樵唱與牧笛相為倚和安仁而在當不得以河陽傲十三

僊子矣

武夷山志卷之六終

武夷山志卷之七

東魯袁仲孺輯撰

游寓篇

世稱人物藉霧于山川乃景公一涕遂削牛  
 山千古之色是山川尤引重于人物矣予志  
 武夷于賢寓獨加詳焉蓋其人如理學也清  
 貞也玄詣也棲逸而騷雅自豪偶涉而流風  
 獨尚品流不一然巖岫遺輝游人仰止豈徒  
 區區選勝留連杖屨者哉嗣是而有興焉者

孺尤樂爲之戴筆矣

統計凡四十七條

顧野王字希馮吳人仕陳爲光祿卿奉使入閩泛九  
曲歷覽諸勝喟然嘆曰千峰競秀萬壑爭流美哉  
河山真人世所希觀也遂卜居焉梁末侯景兵叛  
乃募義旅附官軍入援本郡寇平復返崇安築室  
武夷生平操履端嚴問學淹貫嘗撰建安記玉篇  
輿地志諸書有盛名于世崇人敦尚文學自野王  
始

張嶠字景山本邑人太傅靄之子也南唐末居武夷  
而混跡樵漁藝祖朝始仕通判歙州境有山斂竭  
力討平之召入超拜御史中丞卒贈工部尚書

劉夔字道元邑之永漿里人具經世大略祥符中應  
詔獻宋都賦送試禮部登進士第累遷給事中樞  
密直學士知鄆州所至有廉名以平京東斂賜璽  
書旌異以議修河與大臣不合遂罷遷工部侍郎  
改戶吏兩部致仕卒年八十三生平好道家言築  
室武夷號北山居士遇隱者授以養生之術富彥

國稱其天賦絕識時推異人孫沔稱其進爲卿相  
退作神僊范文正稱其高風孤躅賀監以後一人  
其見重于時如此卒前六日作遺表以祿分給親  
族謂家人曰吾某日死矣果然所著有武夷山志  
一卷後人重修略本于夔也

詹野先字景舒邑人博洽蘊藉忠敬自持天聖四年  
以賢良應薦後竟不仕隱居武夷廩江之濱每嘯  
咏山水間終日忘倦

游酢字定夫建陽人與兄醇少以文行知名壯游京

師受業二程之門第進士調蕭山尉近臣薦其賢  
召爲太學錄遷博士隨乞歸築水雲寮於武夷之  
五曲爲講論之所晚徵入拜監察御史知漢陽軍  
及和舒濠三州卒謚文肅

趙抃字閱道浙之衢州人康定間爲崇安令政尚寬  
簡書之所爲夜必焚香以告天邑介山溪之間每  
春潦泛漲廬舍蕩然地方甚以爲苦公因山築堤  
周廻數里以障之又穿城鑿渠引水溉田民享其  
利而無漂搖之患每公餘輒巾車葉艇嘯咏武夷

山中結吏隱亭于金鷄洞下沿溪種梅每花時香  
聞澗曲治之後圃一株爲其手植迄今尙存後人  
思之稱爲清獻梅銘曰召有棠菜有栢清獻之梅  
碑以石治之西有專祠所著有清獻集

胡安國字康侯邑人登紹興進士嘗入太學師程頤  
之友朱長文及靳裁之與楊時游酢謝良佐諸賢  
遊良佐稱其如大冬松栢挺然獨秀自王安石廢  
春秋不列學官公獨撰傳以進高宗深加褒納進  
實文閣直學士與時相不合退居山中自號武夷

翁學者稱爲武夷胡先生卒謚文定憲寅宏寧皆  
其猶子也世稱胡氏五賢縣祠之于學宮之右

胡憲字原仲文定公從子也稍長從文定學獲聞伊  
洛之說以鄉貢入太學會洛學有禁乃陰與劉致  
中殫精研誦復問易于涪陵譙定久始有得兩膺  
詔召俱以母老辭時秦檜當國先生隱處翛然世  
外檜敗始應召爲秘書省正字抗言虜情宜亟用  
張浚劉錡以爲虜備疏入卽求去改秩奉祠時與  
劉彥冲劉致中更相討論于武夷山中學者翕然

尊之稱曰籍溪先生朱元晦呂東萊從游最久有  
論語義兩漢正辯南華經解行世卒謚靖肅

胡寅字明仲安國之從子取而子之幼聞庭訓不忝  
父風登宣和進士敷歷中外改秘校時楊中立爲  
國子司成遂執經請業卒紹伊洛之傳立朝以直  
著聲屢陳復讐大義爲當國者所嫉力求外補除  
禮部侍郎兼直學士趙鼎薦其才可大用會丁外  
艱服闋除知永州輒以疾辭隱居武夷嘗與劉衡  
建奪秀亭於羅漢巖上以爲講學之所扁其居曰

致堂學者稱致堂先生卒謚文忠有讀書管見論  
語詳說崇正辯等書行世

胡宏字仁仲文定之季子不慕榮祿與其弟寧講學  
武夷山中二十餘年相爲切劘家學淵源于茲爲  
盛紹興中上書極論時相凡數千言以蔭補承務  
郎不赴及檜死被召以疾辭所著有知言編皇王  
大紀八十卷學者稱爲五峰先生

朱熹先生行實諸書備載茲不復贅但山居始末當  
畧志之先生年十四父鬻齋沒乃遷居於崇安五

夫里嘗扁讀書之所曰紫陽書堂以新安有紫陽山識鄉關常在目也紹興十八年戊辰先生年二十九中進士授同安主簿秩滿以養母丐祠祿歸結草廬於蘆峰之雲谷扁曰晦庵孝宗卽位恩命沓至屢辭不就張南軒呂東萊力勉其出乃起守南康建白鹿書院爲諸生講學之所除江西提舉改使浙東以賑濟有勞又除直徽猷閣時相主和議陰詆之先生卽辭使節淳熙十年癸卯歸築精舍于武夷五曲大隱屏之下與弟子輩居之時年

五十四光宗雖有召命屢遭沮止紹熙二年辛亥始卜居建陽考亭明年屋成先生乃歸時年六十三寧宗朝韓侂胄用事指道學爲僞胡紘沈繼祖陰附之遂奏褫職罷祠先生怡然又創竹林精舍後更號滄洲病叟晚因筮遇遜之同人又號遜翁慶元六年庚申三月甲子以疾終年七十一先生歷仕四朝仕於外者九考立於朝者不能五十日而閑居者四十餘年山林之日長講學之功深也其父松葬下梅之寂歷



劉子翬字彥冲邑人以父貽蔭補承務郎通判興化軍尋以疾辭歸王官武夷冲祐觀有聞命詩云幾年歸夢水雲間猿鶴重尋已厚顏慚愧君恩猶竊祿官衙新帶武夷山山居不出者十七年與胡憲劉勉之每見講學外無雜言從游者皆當時名士如朱元晦其一也學者稱屏山先生有文集二十卷行世追封齊國公謚文靖

劉勉之字致中邑人踰尉以鄉舉入太學時禁挾元祐書獨與胡原仲陰購程氏遺文旦夕講誦又從譙天授游兼邃易學紹興間以呂本中薦召詣闕秦檜慮其持正撓阻和議乃不引見但令策試後省給筆札而已因謝病歸杜門掃軌日與原仲彥冲夷游於丹碧朱松每歎其學有淵源臨疾革遣其子熹往師之遂妻以女學者稱白水先生有集二十餘卷行世

劉衡字兼道邑人膂力絕倫建炎初以勤王補官從韓世忠敗金人於濠累功遷秩晚乃棄歸武夷築小隱堂于茶洞與胡明仲相友善爲文酒之會佳

武夷山志  
辰令節每吹鐵笛或慷慨舞劍意氣浩如也

徐幾字子與號進齋邑人嘗與詹琦築靜可書堂於  
武夷博極羣書尤精於易自晦翁之後理學之傳  
獨臻其奧景定間廷臣交薦以布衣召對授崇政  
說書上甚器重之詔補廸功郎遷建寧府教授兼  
典建安書院撰經義以訓多士宇內尊之稱曰進  
齋先生

哀長吉字叔選邑之大渾里人嘉定中登進士第調  
靜海掌書記秩滿遂命駕而歸結廬武夷山中扁  
曰委順因以委翁自號徜徉林泉託興吟咏雖老  
手不廢卷諸如內典寶錄讖緯方書務窮其奧後  
學多師事之卒年八十九著有鷄肘等集行世

蔡元定字季通邑人號西山生而穎異于書無所不  
讀寓居武夷幽貞自勵有詩云數間茅屋環流水  
布被藜羹飽煖餘不在利中生計較肯於名上着  
工夫牕前野馬閑來往天際浮雲自卷舒窮達始  
知皆有命不妨隨分老樵漁從晦翁游凡四十年  
雖在弟子之列以老友稱之慶元間坐僞學禁以

布衣謫道州文公餞之靖安寺携其子沈慷慨就道無幾微見於色坐客莫不偉之所著有太衍詳說律呂新書燕樂言辯皇極經世太玄潛虛旨要洪範解八陣圖說陰符經解運氣節略脉書總若干卷淳祐間追謚文節

蔡淵字伯靜號節齋元定之長子承家學于易理發先儒之所未發所著有周易訓解太陽通旨四書思問等書行世

楊時字中立將樂人同游酢受業於二程之門紹明絕學嘗過武夷與諸賢析疑送難旦夕不少休熙寧中第進士累官工部侍郎直學士世號龜山先生謚文肅

蔡沉字仲默嘗偕其兄淵築室虎嘯巖下扁曰南山艸堂不事章句一以聖賢爲宗受業晦翁之門相契尤至翁晚年以諸經之訓釋粗備獨于尚書未及爲憾遂以屬之其父亦嘗慨洪範之數失傳心雖獨悟未遑論著曰成吾志者沈也沈受父師之託殫精紬繹累數十年而註疏始成當事諸公交

薦于朝不就卒謚文正追封崇安伯學者不敢斥其字惟稱之爲九峯先生

蔡杭字仲節號九軒沈之子也構堂於武夷之一曲題曰咏歸嘗讀書其間登紹興進士累官吏部尙書端明殿學士同知樞密院事拜叅知政事以忤時相落職奉祠卒謚文簡改文肅

真德秀字景元浦城人四歲受書過目成誦慶元中第進士累官叅知政事世稱西山先生卒謚文忠嘗築室武夷以朱子爲宗斯文自任黨禁旣開正

學賴之以明所著有大學衍義讀書記文章正宗祝穆字和甫其先歙人曾祖確於晦翁爲外祖父康國始卜居崇安與弟癸同事文公於隱屏精舍故學有本源嘗輯事文類聚二百餘卷方輿勝覽七十卷行世

劉甫字嶽卿衡之子也事親以孝聞嘗隱于武夷山北水簾洞晦翁與蔡西山諸賢頻詣其廬講明義理嘗訂約晦翁結廬五曲未幾卒晦翁以詩哭之曰曾說幽棲地與君共接連欲携邀月酒同棹釣

魚船遽爾悲聞笛真成嘆絕絃林猿催老淚爲子

一潜然

游九言字成之初名九思文肅公三世孫也嘗於武夷重構水雲寮爲繼述之所以陰補江西漕司不赴進士第一授古田尉江州錄事知光化軍辟荆鄂叅謀官卒端平初贈直龍圖閣謚文靖

方士繇字伯謨其先莆田人移居崇安嘗依劉屏山朱晦庵於武夷棲止仁智堂追隨講授退惟靜處一室繙閱千古肆力於道德性命而統會其旨雖

僞學禁興人無間言所著遠庵集行世

劉燾字晦伯建陽人與弟炳同學於朱子第進士調山陰簿慶元中僞學禁興遂結雲莊書院於武夷爲避世計嘉定初召赴行在累官工部尙書年七十乞休之章凡二十上不報卒贈金紫光祿大夫少師謚文簡配享文公祠

江贄字叔圭邑人宋政和間太史奏少微星見詔徵遺逸凡三聘不起乃賜號少微先生居武夷多所撰著其最者如通鑑詳節金鑑彙鈔行世

熊禾字去非號退齋又號勿軒邑人登咸淳進士任  
寧武州司戶入元不仕束書入武夷築洪源書堂  
聚生徒講學其間每朔望必詣隱屏精舍展晦翁  
遺像遠近翕然宗之嘗自賦詩云當年衛道大賢  
功人士今知有學宮自嘆升堂慚董子豈無笑列  
議韓公儒風濟濟衣冠舊世事茫茫塵網中我已  
結茅溪九曲飛鳴尚許迺天風所著有易春秋集  
疏四書小學集疏大學廣義標題四書易經講義  
行世又纂儀禮未成而卒

詹師文字叔簡邑人刻勵好學以詞賦名于世慶元  
中第進士調婺源尉時境內盜發文率兵擒之且  
不欲上功以希賞再調江西臬幕復討平峒賊鄧  
亞尤等遷西外宗教不赴歸隱幔亭峰下有幔亭  
遺稿通典編要等書行世

熊蕃字叔茂邑之豐陽里人善屬文長於吟咏頗宗  
王安石之學分章折句大有條貫築堂於鼓樓巖  
下扁曰獨善堂號獨善先生嘗著茶錄品別高下  
最爲精當又有製茶十韻傳誦于世

詹景仁字天麟邑人以文學辟爲三公椽延祐中出貳浙東憲幕遷江西撫州總管與清江杜本友善初本偕范梈以徵辟至都中同寓景仁館談及先世知其藏書甚富後本忤時相不用景仁携歸武夷築萬卷樓於平川上居之疑義與詞多所剖折宇內名流以事道聞者務造其廬

鄭德普字子仁號景厓邑人生有夙慧尤刻意于詩與范師孔趙若櫬諸人日相酬唱於九曲之間如題霧巘云山蒸雲氣晴能雨泉挾風聲夏亦寒題

齊雲峰云石潤黏蒼蘚澗高流白雲皆佳句

趙若櫬字子木號霽山邑人宋宗室也登甲科不仕性倜儻喜吟咏不治生產嘗徜徉於武夷山水間遇會心處輒畱連數日有卽事詩云雲散青山出人間白晝長禽聲答空谷木影畫斜陽種菓期秋實澆花稱晚涼行藏天已定隨分且徜徉又云可意黃鸝喚得醒日移山影正當庭飛花忽趁東風過點破苔痕一片青人稱其逼真唐響

杜本字伯原號清碧清江人博極群書尤精皇極之

旨與虞集范梈友善吳澄劉會孟見而器之江浙使相忽刺木薦其才召入不果用詹景仁延歸武夷築室於平川上居之遂結思學齋懷友軒爲終隱計文宗卽位詔起之山中不赴釋書無逸篇附進文宗嘉納之至正三年丞相脫脫奏授翰林待制兼國史編修官強應命次武林驛仍以疾辭復歸武夷越數年卒有清江碧嶂集行世

杜圻字德基本之孫仍居武夷幼有大志績學砥行銳志紹述因名其堂曰思紹爲文雅有古致時論偉之以薦舉授甌寧訓轉溫州府教授卒

藍誠字靜之世居武夷山南博學能文蚤歲與弟智同學於杜本遂以詩鳴洪武初智舉明經擢西粵僉憲以清介著自號藍澗誠號藍山兄弟俱以詞名輝映宇內遂登作者之壇所著有山澗詩集行世

丘錫字永錫邑人領洪武鄉薦除工科給事自陳願學職改楚衡教授永樂四年預修大典改浙衢教授宣德七年復預修太宗皇帝實錄成仍乞原



職改建昌教授自筮仕以來凡五典文衡人服其  
公性嗜學垂老不倦偕其友徐仲禮結社武夷手  
不輟披卒年八十有文集若干卷行世

劉清夫字靜甫建陽人所居與武夷僅隔二舍許常  
寓山中泛舟携酒吟咏殆遍有梅花詞一闕云亂  
山深處見寒梅一朵皎然如雪的皜妍姿羞半吐  
斜映小牕幽絕玉染香腮酥凝冷艷容態天然別  
故人雖遠對花誰肯輕折疑是姑射神仙幔亭宴  
罷迤邐停瑤節愛此溪水供秀潤飽玩洞天風月

萬古叢中百花頭上誰與爭高潔粗桃俗李不須  
連夜催發人多傳誦惜不見全集

鄒守益號東廓江西萬安人嘉靖末南游武夷發明  
良知之學聚生徒于武夷山中至神廟初公之子  
善來總閩憲因追述先志仍與諸生談藝于冲祐  
觀後人思之爲立祠祀

羅洪先號念庵江西吉水人嘉靖壬戌廷試第一官  
翰撰慕武夷之盛投杖入山從游者甚衆踰年乃  
返清標卓行獨冠一時俱有祠祀

王守仁字伯安浙之餘姚人登進士授兵部主事以論逆瑾謫貴州龍場驛宰由間道入武夷瑾誅詔起累遷至副都御史提督南贛等軍務屢平寇盜以討宸濠功封新建伯卒謚文成嘉靖間郡守劉佃檄縣祠之給田以供伏臘其畧云良知之學倡自公始也

宗臣字子相南直廣陵人弱冠第進士以銓曹郎出督閩學以身範士文體爲之一變嘗與諸生講學山中有方城集二十餘卷王弇州嘗爲敘之

傅汝舟字木虛侯官人負雋才善草書尤工於詩好談金丹內養之術嘗寓止止庵與山人江一源結爲方外之友貽江詩云安得艸堂移傍汝溪光清映白綸巾江有相逢却是秦人谷携手虹橋看日斜之句夷猶廢唱相契甚謹有丁戊山人詩集行世

丘雲霄字于上邑人博極群書精詞賦工草隸以明經授粵西柳城令蒞事首先文治有廉能聲僅踰歲遂解官歸結茆于止止庵側因自別曰止山葉

武夷山志  
艇芒鞋諸勝鮮不剔歷誠一時之文獻士流之師  
表也臺司成式其廬所著有止止文集數十卷行  
世舊之邑乘蓋其筆也

衷宗周字尙文太樸其別號也邑人風儀秀豁博洽  
淹貫以騷雅鳴海內爲人町畦都盡至臨大事決  
大疑輒又慷慨嚴毅而莫犯也問字之屢常滿戶  
外終日曾無倦容先輩丘雲霄目之曰四時之氣  
備而不言者其哀氏之子耶其先本哀姓系自東  
魯以次子仲孺被知于學使者馮烜爲  
題改

今姓家故食貧有司及諸貴游懸榻虛佇不輕一  
就雖炊煙輟舉商歌自娛嘗以向平之累友人丘  
學易者代爲假三百緡于里中兒無何學易客死  
遺孤尙未媿也或私語之曰是無有知者隱之可  
耳公勃然曰何言之不義也卽星馳樞所呼易之  
弟兄泣而告之故袖出所居屋券曰此值可五百  
緡併子母償之矣立携孥避棲環堵意恬如也遺  
孤天行尙能言其事萬曆之季  
上靜攝旣久  
疆圉備隳上下之情闕隔曰亂形旣萌亂名是諱

國家從此多事矣遂結茅九溪深處署其齋曰白  
賁日擁萬卷以爲終焉之計歿之日正泰昌改元  
之日未幾而寺人之禍作矣迺至于今幅員未靖  
時論以機先之識多之兒時作咏杜宇詩云爾是  
甘心禪何爲徹夜悲驚霧承統處或似漢曹丕又  
咏史云主恩不可忘綠珠墜樓死不知楊子雲當  
年緣底事邑令錢嶧一見嘆異語其父琳曰是兒  
氣岸瑰竒論思淵注雖軒冕不得而縻是頽波之  
砥也卒如所言撰著甚富惟西越游草五嶺行吟

蛙聲白華日鈔等集行世

黃大年字君禾晚歲殫精于內省又自別曰省庸邑  
之長平里人十餘歲時讀書武夷山中夜夢神告  
之曰科場題目八个字子其勉之及得雋其首藝  
乃道之斯行綏之斯來時嘉靖之辛酉也除武岡  
學教故事鄉闈越省而聘房考者非麟經戴禮莫  
與至南闈爲宇內具瞻厥選尤慎庚午之役公以  
尚書應聘蓋當事者特破常格耳入公之彀者八  
人如王堯封于文熙尤當世名士得人之盛鮮與

爲匹馭歷中外凡廿餘載並著聲績旣而出守楚  
雄晉陝西行太僕寺少卿未幾抗疏乞休歸里中  
日與二三耆舊結文酒之游巾車畫舫叩皇太姥  
魏子騫之故址累月忘返竟不知其身爲王臣也  
尤精于詩律有咏竝蒂芙渠一聯云榮分御側金  
蓮賜品壓峰頭玉井香又五日泛舟江空鳥下天  
漠漠樓高風撼雲悠悠又寄鴉先徵君一律野外  
何人問字來地偏心遠亦悠哉風迴巖岫圖書潤  
日止川原爽氣開袖裏明珠長自詫石中良玉更  
誰猜少微迥與群星異夜夜寒光徹上台爲一時  
膾炙乃全稿散逸識者惜之

李材字孟誠江右之豐城人萬曆間謫戍閩之漳州  
初材之成進士也由刑工兩部主事出按東粵兵  
備滇南所至竝以能名晉右僉都御史開府鄖陽  
適有山賊公討平之言者糾其妄有屠戮下廷尉  
久之始得是命生平及楚事遠而且疑姑闕之特  
就其講學武夷者紀焉公之學以止修爲宗誠正  
爲輔格致爲証入其于伊洛關閩之說獨標新義

四方之來學者如雲徐公卽登以梓里高足方督  
閩學乃建書院于九曲之濱以居游者孺時兒齒  
未脫猶及窺公之貌或指之曰此見羅先生云豐  
頤廣額美髭髯首大盈尺譚吐清越洵一世之偉  
人也

葛寅亮字水鑑號叱瞻浙之錢塘人萬曆庚子鄉薦  
第一辛丑成進士由儀部出督楚學及瓜當遷楚  
之人士若公之化弗忍去公也兩臺交章留之得  
請晉秩有加而督學如故擢叅閩藩仍董閩學取人

拔尤之盛蓋輝映而兼譁云時倚輕橈來游武夷  
訪晦翁之故宮探太姥之遺蹟聞集子衿輩講學  
于天游觀中生徒卽其地建祠祀公公意弗善也  
命改祀呂仙然人終以祀典不備爲疑乃重鳩工  
于接筓峰下公聞之曰彼紛紛而爲此者果愛我  
乎抑嘗我也復以所祀祀文成王公議者謂公之  
學術事功軒輊陽明宜以公配享輿論翕然莫不  
手額祠凡兩剏而兩撤之公之嚴于近名也如此  
公嘗開社西湖之南屏海內名流鮮不執經北面

故有湖南夫子之稱列聖之學公能識其大者崇  
昔爲公屬邑今茲之先後來宰是邑者柴君世埏  
張君堯政皆公之高足春風化雨惠愛神明何莫  
非淵源之自耶

華亭張公以崇禎丁丑來按閩中風節震勵百寮秉  
度黜邑吏有不職者皆稍稍引去榜警句于庭柱  
云正人之喜難窺所可窺者見良繭嘉禾卽孝肅  
豈能無咲仁人之怒易解所不解者對猾胥奸吏  
縱日知未免生嗔嘗攬秀山中以天遊爲雄踞群

巒眺兼衆妙乃建百尺閣于其上顏曰森天按部  
之暇登而吟嘯泉鳴壑轉鳥奏山空迥然振近日  
低雲之响越癸未以開府重臨時流氛日熾益藩  
惑于衆謀遂驅蹕入邵意將南下群議譁然變且  
叵測公立草檄移之長史司其略云宗盟義取維  
城播遷事非獲已樵川雖小已經駐蹕卽難永奠  
厥邦亦旣爰息其馬但有翹企西還之期必無搖  
移南下之理且在國尚不越于郊閔豈出疆可屢  
背乎城郭倘誤信浮言銜輿再動本院必當以死

自誓不敢聞命亦貴司輔導之責也既而返國人心以安及


神京告變鍾簾乍移所至騷然瞑目讓亂憑叢竊發者比比公殫精籌畫鎮以整暇議撫議勦攸協機宜每檄下所轄皆披瀝悃誠忠奮激勵讀之使人感泣南荒半壁恃以無恐時論以方之陶士行羊叔子而慷慨以義折宗藩風稜嶽嶽殆尤過之公諱肯堂字載寧鮑淵其自別也登乙丑進士

本芝孫公朝讓其諱光甫其字也吳之嘗熟人辛未進士守溫陵以循卓異等晉建南兵憲先是江淞草寇羅立楊輝等聚衆千人踞柘浦之界山爲亂當事者

題三鎮之兵合勦竟以賄脫散處郡城狼子野心仍陰構餘竊謀以除夜竊發殆且岌岌公眎事才數日已密商之司李楚蘅柯公籌畫方畧群兇就縛懸督藁街復慮孽猶未殄民心搖於風鶴沅氛日迫震鄰兼有益藩移蹕之舉易以生變且崇安尺地實咽喉全閩八關旁午禦備久隳一有不虞



無崇是無閩矣迺奏記督撫請躬巡諸隘於是擅  
霜裘霰降隰陟原相度形區闢故址鞏雄圖增置  
塹壁瞭烽前此拆柳而樊之堦垣頓成輸攻莫必  
之堅壘以其暇理青芒彩鷁歷丹巘碧漪繹未絕  
之緒于考亭問駐顏之藥於太姥每興酣味徐天  
目他日掛冠如此地扣舷處處好高歌之句其耽  
癖溪山雅懷恬退者尚矣未幾移疾乞歸臺使者  
交章請留一夕竟拂衣往矣三郡人士扳卧塞塗  
至追送三百餘里猶不欲返者公爲人規模宏廓  
宅心愷摯飲人以和而不爲煦煦飲已以冰而不  
爲硜硜吏旣格心民如爾德穆如矯如清標亮節  
固儀圖於臨眺間矣



武夷山志卷之七終

正美山志

一

三



國於國故國神間矣

為國為家為神為國故國神間矣

為國為家為神為國故國神間矣

一 九

